

彭山紀年

105372
+ 2280.183
1-02

部

21

图
整
正
库

彭山紀年

新都曾維題



彭山紀年 贈序

今世著作汗牛充棟惜多虛聲徒驚憂時之士心滋恫焉余老友徐幼常先生彭邑耆宿讀有用書行萬里路誠如范仲淹爲秀才時以天下爲己任繼見國事日非家居息影辦理縣中公益大率純盡義務上年所作彭山鄉土志已裨邑人不尠現以訓政開始復就彭邑行政區域出個人平日政見并綜輯關於彭山上下數千年來之事實創著彭山紀年舉凡歷代軼事里閭隱微每於句裏行間可得舉隅之反更附以縣中各機關法團沿革款項舉略暨其補救之法俾邑人知所考證而戒勉有司亦得收觀風之益不得僅以韓子孤

彭山紀年

劉序

美利利公司代印

憤稱之老子云治大國如烹小鮮殆作者之意旨乎愚卜此書一出當必紙貴洛陽不但起藝林之奇峯抑將樹川史之標的寧獨緣文字私交而漫貢阿諛哉
民國第一己巳天中節世愚弟劉在廷拜序

吾鄉幼常徐先生學貫中西志希濟物爲本縣修志局長眉屬中學校長及省志採訪員每殷殷以育道德培文化爲已任先賢如張文紀李令伯輩曾爲一一撰刻碑記表而彰之其他地方公益類皆知無不爲平居尤勤著述嘗慮縣志浩繁不克盡人卒讀乃刺取其中大事之有可紀者得失美惡年經月緯卩爲彭山紀年一書且詳記各機關之沿革而因挾其利病所在使爲政者知所以厚利民生此誠仁人之用心凡關心桑梓者皆當取而討究以爲一切建設標準者也藻得預觀是書稿帙復時見先生懷鉛槧而周諮方其搜輯材料從事調查於近數十年檔案日僕僕曹署曹署度卷地

彭山紀年

廬序

二

美利利公司代印

固皆暗室敗宇陰霾積聚蛛網塵封有寒暑之侵人蟲蛇之可畏而先生一不之恤朝而往往必閱案牘盈尺乃歸猶恐或有所闕略復歷城鄉廟堂以摩挲舊碣而求識其紀載務使遠近鉅細靡所遺事歸覈實而後已故其書源流頗詳盡議論亦卓卓自高噫先生之業勤苦如此而其爲文又有關政治人心如彼雖欲不傳得乎于其書成爰爲牘述大概以諭讀者俾共知徐先生之爲人焉

中華民國十九年三月盧章藻謹敘

編輯大意

- 一是書編年紀事由周朝斷至民國十八年縣政府成立可供民治促進之用
- 一是書詳編捐稅年來籌墊軍餉未盡抵糧彭山擔負特重望有惠政及民
- 一是書詳編水利因縣境有通濟古佛兩大堰可講民生問題
- 一是書詳編學校因縣境偏僻冀多培植人材
- 一是書詳編文廟及忠孝耆壽因縣中特有彭祖張李二公可資模範以培道德

彭山紀年

三 美利利公司代印

- 一是書於宋明科舉概從略至清代科舉則僅記開科一人以省篇幅又近年畢業生及軍政官吏照舊由縣志記載如有特別事件者亦採錄之
- 一是書詳編本縣特有事件其他重大而縣亦在其中者亦得攔入如縣人出任外縣事則冠以邑人字樣如正文尙有遺義則雙行註明
- 一是書極意搜羅縣中大事惟因個人耳目難周時間迫促又屬急就倘有掛漏之處當局者來函通知再版時亦得編入

- 一是書採諸碑記檔冊或詢及父老且許多係由

赴程先君口授得來如有錯誤之處當局者可自行登報
聲明或來函通知再版時亦可更正

一是書竊取楚史檣杌記惡之義以資後人法戒但祇記某
姓以隱其名與好爲攻擊者有別如一味揚善則失本編
之主意 閱者諒之

一是書附各機關法團沿革款項舉略編者於縣中亦曾辦
公益以貢一得之愚并無私意逞好惡於其間冀當局者
有以造福桑梓而已 閱者諒之

彭山紀年正編

通省志局採訪徐原烈編



周慎靚王五年乙巳秦惠王使張儀伐蜀獲蜀王於武陽始置縣

東漢建武十二年丙申十月岑彭伐蜀營彭亡山是夜被刺

墓在華陽中興場側川督岑春煊爲建專祠

永寧元年庚申張皓拜廷尉辨正疑獄多以詳當見稱

永建元年丙寅張皓拜司空在事多所薦達天下稱其推士

漢安元年壬午詔遣八使循行風俗御史張綱文紀獨埋其

車輪洛陽抗疏劾梁冀無君十五事旋出守廣陵在郡一年

卒於官張嬰等五百餘人制服行喪送回原籍負土成坟而

彭山紀年

正編

五

美利利公司代印

去墓在東山十里有碑記

延熙元年戊午張冀以討劉胄功賜爵關內侯入爲尙書多建議廷爭事

西晉泰始四年乙酉詔徵李密令伯爲太子洗馬密以祖母

年高上陳情表辭不就墓在縣北五里有碑記

梁武帝天監四年乙酉改縣曰靈石

北周武帝保定元年辛巳置隆山郡

唐貞觀二年戊子改爲隆山縣

玄宗先天元年壬子改縣曰彭山

玄宗名隆基因避隆字諱彭祖墓在此故改縣曰彭山

開元二十八年庚辰採訪使章仇兼瓊創開遠濟堰灌新彭

眉田畝袤長凡一百餘里

宋淳化四年癸巳青神民王小波李順等聚衆由眉州掠至彭山殺縣令剖其腹實之以錢

景祐元年甲戌彭山上瑞麥圖詔賜田夫束帛以勸

南宋紹興二十四年甲戌縣民私熬硝鹽三十六井均攤課額名曰石脚錢

紹興二十八年戊寅縣大饑民食蕨根

元文宗天曆二年己巳縣令雍熙復修遠濟堰

明洪武六年癸丑按察司僉事戴文信重修忠孝祠漢張綱

晉李密

祠創於宋至是故重修云

彭山紀年

正編

六

美利利公司代印

洪武十四年辛酉彭山編戶五里每里百二十戶有奇口無考

宣德三年戊申詔天下大興水利特改遠濟堰爲通濟堰

天順五年辛巳謝銓創修富堰灌田二千餘畝

成化十年甲午知縣樊瑾築土城西北依山東南傍水週餘千丈

成化十四年庚子夏知縣馬馴重修龍門橋更名忠孝橋

正德十四年己卯歲饑盜熾縣城過闕弗利於守疏請縮其半僉事盧翌砌以石爲門者四并環以濠

嘉靖九年庚寅十一月更正孔廟祀典尊孔子爲至聖先師撤塑像設木主罷封爵

嘉靖十五年丙申知縣周良弼教諭高節奉檄移建學官於城南今址

隆慶四年庚午朱紱中解元

其墓在縣北陳家壩

萬曆七年己卯重修通濟堰溉田七百餘頃

萬曆三十一年癸卯舉人趙之庠知陝西膚施縣擢山西汾州府累官甯武道所在有政績

清順治元年甲申詔仍從明制文廟祀孔子定春秋上丁釋奠之禮武廟仍祀關公特頒諭祭文

順治三年丙戌明參將楊展率兵逆張獻忠於縣之江口焚其舟數百艘所掠金寶悉沉江底獻賊傷亡殆盡

彭山紀年

正編

七 美利利公司代印

張獻忠屯兵平蓋觀其部下避獻忠諱鏟去明知縣張嶺石聯忠字遺跡尙存

下辮髮令有不從者斬

順治五年戊子詔滿漢官民欲聯姻者聽

順治九年壬辰頒教條刊臥碑置學署明倫堂之左

順治十三年丙申詔纂孝經衍義

順治十八年辛丑正月詔軍民年七十以上者許一丁侍養免其雜派差徭八十以上者給與絹一疋棉十斤米一石肉十斤九十以上者倍之

康熙元年壬寅縣以地曠人稀併入眉州 詔禁女子纏足

康熙五年丙午 詔躬耕勸農 楊岱始中文舉 先後計十三人

康熙六年丁未詔令清查田畝戶丁

康熙九年庚戌頒聖諭十六條令天下學官及生員等朔望日在明倫堂宣講

康熙十二年癸丑十一月吳三桂反雲南改國號為周年號

昭武縣陷於吳 吳開科取士邑西謝君錫應吳試入文庠清詔舉博學謝又應舉今墓碑猶在特錄之

康熙十八年己未雲南平縣反正

康熙二十六年丁卯詔以昔為賊踞今獲寧宇免應徵地丁錢糧

康熙三十三年甲戌詔以邊地瘠磽民生艱苦免應征地丁

彭山紀年 正編 八 美利利公司代印

錢糧

康熙四十一年癸未詔百歲老人准給予建坊銀兩

康熙四十二年甲申詔以邊地磽瘠宜施恩澤免應徵地丁錢糧

康熙四十九年庚寅四月提督岳昇龍奉旨編入眉州民籍
康熙五十三年辛卯詔以踐祚之初即以養民蠲租為急朕欲償素志應免徵地丁錢糧

康熙五十二年癸巳正月岳昇龍薨於私第葬縣之翔鳳山

山上有寂定禪院正殿一重因公賜葬移廟山後往來官弁頗眾遂成場市取保泰持盈意故名保勝云

詔以滋生人丁永不加賦

康熙六十一年賜宴七旬以上號千叟宴 諭令修通濟堰
雍正六年戊申詔丁條糧合算徵銀一千六百六十兩零八
錢九分七厘

一等公爵甯遠大將軍岳鍾琪四川巡撫憲德奏准復設縣

治仍屬眉州

南門舊有馬市行戶欺岳公士兵公怒殺行
戶二人因鐫碑示禁今碑沒字姑附記於此

授岳濬山東巡撫下車卽奏請將鹽道陋規一萬五千兩解
司充公又能識天文先期率兵平濟寧民變在任十餘年响
馬絕跡士民安堵屢獲豐年 詔令天下鄉場市鎮擇舉貢
生員之有學行者於朔望日宣講聖諭以鄉約奔走其事

雍正七年己酉唐亮揆選拔

彭山與青
神共一名

彭山紀年

正編

九

美利利公司代印

雍正八年庚戌始選雲南舉人劉占魁知縣事修學宮壇廟
及官署市廛 詔以藏地苗疆俱已甯謐着蠲免地丁銀兩
由眉州撥來採鹽運銷水引三十張陸引三十五張

後有增
加從略

由眉州撥來文武學額各四名廩增各八名

雍正十一年癸丑川督黃廷桂檄仿都江堰制重修通濟堰
計開七筒引灌新彭田一萬六千五百餘畝每歲兩縣在水
利同知署領工費銀五十二兩八錢

乾隆二年丁巳知縣張綽雲南浪穹進士培修忠孝橋 建
設桂香書院 調岳濬巡撫江西豐城臨江兩屬被水浪爲
巨浸以牛糞和泥膠之得永慶安瀾

乾隆五年庚申詔民開墾土地永免升科

乾隆九年甲子奉文查丈彭山田地凡徵丁條糧銀四千三

百四十四兩九錢七分三厘 羅文耀始中武舉先後計三十四人

乾隆十一年丙寅知縣丁永年浙江仁和人 詔免應徵地丁錢糧

乾隆十三年戊辰知縣馮鄴山西代州舉人 詔以金匱不法轉運飛

芻借資民力應征錢糧着緩徵

丹稜武進士彭承緒以守備從征巴里坤陣亡其子彭愷扶

柩歸卜葬青龍場側

乾隆十四年己巳馮鄴復修忠孝橋

乾隆十五年庚午馮鄴請增學額提學葛峻起奏准增文武

彭山紀年 正編 十一 美利利公司代印

各二名廩增各三名 禁民種鴉片煙時輸入每歲三千兩

乾隆十六年辛未知縣張鳳翥梧桐浙江上虞進士 賜經史於書院

乾隆十八年癸酉張鳳翥重修縣署 甯朝玉盧敬臣等請

復修通濟堰新開二十八渠灌田三萬九千五百八十七畝

張鳳翥兼署眉州知州 典史董起龍湖北漢陽監生 駐堰督工墓在城內鳳鳴

山同治六年教諭曾體撰等呈准配饗張公 八月通政使司岳濬卒於官 諭祭岳濬

葬於原籍彭山翔鳳山祖塋賜諡清介

乾隆二十年乙亥張鳳翥補築土城

乾隆二十一年丙子張鳳翥置孔廟祭田六十畝 置祭器

重修城隍廟 培修彭祖墓

會勘通濟堰溝酌定筒車架數及地段

乾隆二十二年丁丑張鳳翥修武陽小乘四卷成

乾隆廿五年庚辰張鳳翥准邑耆周文良等請創修古佛堰

乾隆二十八年癸未知縣陳奉茲江西德化進士續修古佛堰規定通

濟堰每田千畝安設筒口三寸五分堰長盧敬臣等刊有碑

記 詔禁婦女留宿僧房

乾隆三十五年庚寅知縣徐德元芷堂浙江歸安舉人培修文廟 重修

忠孝橋

乾隆三十八年癸巳原任山東濟陽縣知縣夏文震弟在家以報丁誑文震歸後回省委代兗州府僅三月卒於官

彭山紀年

正編

十一 美利利公司代印

乾隆三十九年甲午知縣朱琦山東歷城拔貢培修文廟

乾隆四十年乙未知縣張京鯉湖北黃岡舉人培修文廟 鑄泥透筒

口未安置 詔以全川蕩平免應徵錢糧七分 鍾廷華家

貧幼時同父傭工某主人愛其聰穎令與子同塾裱書於案

揣摩極至嗣回原籍遊泮是年中解元後知山東臨淄縣

乾隆四十三年戊戌徐德元回任新建奎光閣

乾隆四十六年辛丑徐德元新建申明亭聖諭坊

廣東肇羅道丹稜彭端淑葬於縣西羅家山公義塲豎有神道碑

乾隆四十八年癸卯知縣陳九疇山東福山人彭眉水戶上控督憲

李士傑委建昌道陳勘斷只准現設筒車五十三架不得續

添只准順水微紫篋墀不得橫截官溝

乾隆五十五年庚戌知縣許登彤湖北沔陽舉人

詔以八旬壽誕蠲免應徵錢糧

乾隆五十九年甲寅知縣盛世奇浙江秀水議敘冬漁人在江口獲鞘

一具報轉督憲孫士毅派來員兵往撈數月獲銀萬兩并珠

玉等尋報罷同光間城內龐銀匠西山唐船戶亦獲有鞘筒銀兩因年數不詳故附註於此

嘉慶元年丙辰知縣倪鼎銓江蘇金匱舉人詔以內禪登極免徵錢糧

嘉慶二年丁巳邑人余正朋以隨營千總從征達州囑匪陣

亡卹蔭如例

嘉慶三年戊午知縣翟璟安徽舉人通濟堰工程眉州水戶呈請招

彭山紀年 正編 十二 美利利公司代印

工承辦擇殷實工頭議價認修俟來年堰水大旺方給價值

堰長司費用出入事竣報銷

嘉慶四年己未知縣薛天相山西臨晉進士商人李長春等呈請於縣

東設立鹽卡協查私販

嘉慶六年辛酉知縣圖敏滿州鑲黃旗舉人七月有龍見於青龍場鱗

甲燦然自上而下河水暴漲噴薄如霧有聲如雷俄頃即斂

該場原名漆家街自是始定名青龍詳舊志

嘉慶七年壬戌知縣于苾山東福山軍功議敘 詔免錢糧十分之二

通濟堰買新民呂超白雞河一帶熟地五十八畝荒地九十

八畝開河一百五十丈五尺添水入堰買價銀七百七十兩

載糧一兩二錢七分

嘉慶十年乙丑知縣饒觀光湖北長陽舉人捐俸為士民倡培修文廟及忠孝橋

嘉慶十一年丙寅眉州牧梁懷敦創建州城試院彭山出款

較丹青多惟數無攷

前此生童應考遠赴嘉城至是乃在眉州

嘉慶十三年戊辰知縣史欽義醴菴浙江餘姚副貢培修忠孝橋并建張

李二公故里碑修進城大路

重修梓潼宮城內文淵井涸復泉州牧彭有詩以紀其事

嘉慶十八年癸酉史欽義修城建城樓四建橋三復浚以濠

嘉慶十九年甲戌史欽義修縣志六卷成

彭山紀年

正編

十三 美利利公司代印

嘉慶二十年乙亥知縣陳作琴湖北天門拔貢

正月大雷雨 七月大水高數丈

嘉慶二十三年戊寅知縣袁詩燕江西南昌進士

清厘社倉詳准分別勒追計徵入賠償銀共七千一百九十

兩零時未買填倉解存州庫

嘉慶二十四年己卯知縣劉淮對山昆明舉人

徐國有百歲恩賜八品耆員給彤管生雲額

道光元年辛巳詔免錢糧十分之二

彭眉水戶因新民作埂上控督憲蔣攸錫刊碑不得違禁多

設筒車所紮魚嘴只准順紮一丈六尺不得橫截官溝

道光三年癸未誥授奉直大夫葉敬亭葬於東山徐灣并建

專祠

其孫大可係清末翰林

道光五年乙酉倪光蜀選拔

前此彭山與青神共一名至此乃縣各一名

道光十五年乙未徐秉中始中副榜

先後計四人

道光十八年戊戌知縣錢聚仁

味根浙江秀水舉人

歲荒斗米千錢縣紳

郭中蘭劉禮和張德輝姚子賢等助糶捐錢穀有差轉報大

吏贈給榜額以旌其閭

訓導何顯謨洪雅歲貢年八十七卒於官葬於鳴鳳山

何先來寓縣修

志任採訪嗣即銓授彭山光緒初卓某請禁樵牧保其墳墓足徵教澤及人子贊元增生孫齡歲貢三代均有壽銘尤工詩善繪輿圖同葬是山特傳之

道光十九年己亥錢聚仁訓導楊光海培修文廟 初立社

彭山紀年

正編

十四一美利利公司代印

濟倉置田三百七十六畝收穀三百六十石 通濟堰下堰

水戶高萬美等呈准修溝工費章程七條其碑鐫立謝市關帝廟

道光二十一年辛丑錢聚仁捐俸一千餘緡購地段創修試

解邑紳郭相賢捐一千七百緡贈急公好義額繼賢捐六千

五百五十緡議敘通判職銜

道光二十二年壬寅錢聚仁創立登瀛會舉賓興禮桂香書

院易名江源書院並添籌膏火

道光二十三年癸卯邑附貢楊超焜援例知浙江秀水縣卒於官

通濟堰永佃呂羅二姓河壩一段出壓錢一百千年稱錢二十千併爲開河引水之地

蔡學憲振武按試眉棚因與錢聚仁有隙取銷幹卓如案首

蔡道經彭山錢以內親稱謂失儀蔡在眉棚以彌子之妻二句命題錢曰何不居蔡遂取銷幹案首越年幹仍以原名獲選古大臣休休有容學憲如彼覘國者可知矣

道光二十九年庚戌知縣何毓藻准智遠筒水戶郭元譜等水畝分爲二十股輪流充當溝長培修石泮仍照舊規鐫碑立於梓潼橋

何毓藻捕獲巨匪某釘活門神於城隍廟某忤逆被其父出首杖斃廟中某匪越監捕獲抽其脚筋

咸豐元年辛亥知縣劉慶元桂舫天津舉人訓導陳海清培修學署創

彭山紀年

正編

十五 美利利公司代印

建鎮江塔計費錢約千緡四月竣工 舉郭繼賢孝廉方正

咸豐二年壬子知縣劉夢熊礪溪河南虞城進士由州庫領回濟倉銀一

千四百七十七兩零回縣培修城垣考棚大堂書院等詳請核銷

咸豐三年癸丑升關公爲中祀

咸豐四年甲寅知縣錢朝瑞五天津舉人奉文新徵津貼每糧一兩

徵銀一兩一錢五分照章紳解總計全省銀數多寡奏請加廣文武中額

契稅以價二十兩以上加粘契尾一紙徵銀四錢

咸豐六年丙辰知縣李吉壽大星廣西永福舉人培修張綱李密墓建碑

西路民薛老六私鑄制錢被通緝在印州伏法

咸豐七年丁巳周家堰定有車灌修費章程三條其碑鐫立

謝市關帝廟

咸豐八年戊午知縣顧希曾次魯江寧人通判邑人廖鵬萬光普合資

在鹽井溝開鑿鹽井二眼滇匪平後封禁同時在附近開火井探煤炭奈均不旺

咸豐九年己未知縣葛福綏椒坡福建候官舉人奉文設夫馬局以應接

兵差先是各鄉置有利拾田收租以應兵差年久弊生田亦當賣至是設立夫馬局每糧一兩由四千至六千派數不等

康模連捷成進士籤分刑部主事

辦防動碾京斗谷七千七百三十九石製造大炮四桿抬槍

四桿火槍六桿

彭山紀年

正編

十六 美利利公司代印

葛福綏棄城而逃奉文擬以軍前正法縣紳上稟以出城調

團又彭山無城可守議減刑

咸豐十年庚申知縣蹇閏子和遵義廩生三月滇匪李永和藍朝鼎卯

得興由青神掠眉山旋陷彭山李世盛當舖等被焚文生劉

錄被虜去逼死縣中男女老幼至數十人

巨匪范莊禿嘯聚數百人與其戚侯某等白晝舉旗搶人范

某踞城官紳偵知有備范焚劫江口被張某穴牆轟斃時人

恨其騷擾磔死烹啖之

何相儒被滇匪虜至蒲江不從脅以威不屈殺之割棄其尸

其家收瘞形骸不全其妻張氏痛極殉之 五月彗星見

籤子行在西山史廟子剽掠團總徐徵益捕獲二十一人內以楊國喬略識文理貸其一死外卽稟官殺之

咸豐十一年辛酉蹇閻修建石城富者輸財貧者力役由保甲率領分段修築

挖斷鳳鳴山山脉滴流黃水縣署病苦不安因唸皇經以五色土填接適剿老余萬龍至卽以接好龍脈云其信然耶

三月蹇閻率和勇與賊戰於高墩場敗之五月縣丞銜劉樂堽等率武陽軍敗賊於王店子

十月蹇閻督辦眉彭團練會官軍副將唐友耕調徐徵益李嗣燾劉作楨等各率鄉團分路進攻眉西快活山衝撲十餘次呼聲雷動大破賊巢傷亡千數百人餘黨向蒲江竄去蹇閻以彭民值兵燹之餘修城辦團吃苦太甚請暫免徵津

彭山紀年

正編

十七 美利利公司代印

貼一年

知縣蕭茂芝

晚香

署縣續修石城竣工通費銀一萬八千七百餘兩城工局士徐徵益管澤等均列保案獎職有差

同治元年壬戌知縣錫綸考觀風請刑席命題置荷包遺失禮房代擬申申如也又弟兄析產爭訟擊壞神龕不識龕字均貽笑柄

不識國文濫膺民社當日之吏治可知滿清政府不用賢則亡削何可得歟

歲貢吳恂講學造士刊薛子讀書錄胡子居業錄陳子北溪字義徐蓋山洗心輯要等梓行年七十五卒於沿溪書室

同治二年癸亥知縣陳頌揚

進士

貢生羅輔仁在南街招寓官商適參將鄭某來寓竟遺餉銀

千餘兩輔仁一面報官一面促人追鄭嗣鄭贈拾金不昧額以彰之

西路天宮山王槽挖洞取滑石甚豐地主周朝平幸福光與

佃家糾葛不久罷

滑石用途甚廣如醫藥品化粧品製絲製紙均為主要之物滿洲海城所出且為輸出大宗貨棄於地良可嘆也

大水 青龍場西山崩

同治三年甲子知縣錢鈺

如

奉文始辦捐輸自糧五分起

徵每年自五千兩起至一萬餘兩不等設局以紳糧總其成

武舉劉極銳文生徐徵益以典史違例開門理事用鉄釘釘

其門其事聞上峯官紳被禡

東門外易鐵匠以其妻有外遇以鐵鎖掣其陰部其妻向法

彭山紀年

正編

十八

美利利公司代印

庭鳴冤被嚴懲

防閑妻室自有正當辦法該鉄匠如彼野蠻殊失人道主義但今之假借自由於戀愛者又如何

同治四年乙丑知縣范象乾

始元山東舉人

天旱四月農人聚老弱百

餘人持秧把進城鬧堂象乾以民變上告嗣委員來勘不實

撤省奉文大開捐例縣令勒何吹吹捐九品職銜

時有九重上有窮天子四海幾

無賤丈夫諺語

恩賜舉人張鎮庠入都以恩進士欽賜檢討歸

同治五年丙寅知縣曾暄

恕田貴州附生

主攷縣試賄取方某案首一

名詞訟好復訊以金錢為曲直嗣曾以丁憂去

同治六年丁卯知縣王燕瓊

荇田湖北黃岡舉人

新建彭祖坊表

王燕瓊捐俸並募貲培修青龍場河岸築長堤砌支水彭眉

新會稟成綿道鍾准通濟堰設遊河船一支派差巡查
會匪張瘋子豪霸結盟辱罵胡外委被殺

同治七年戊辰郭玉福百零二歲賜八品銜緞五疋銀五十兩昇平人瑞額一方

王燕瓊於冬至朝賀回署蟒服被竊時賊竊盛行新津知縣
陸監修二卽廟將通濟堰紳民捐資存銀五十兩發商交通
順當舖月息五錢由該廟住持按月領作燈油費

同治八年己巳知縣吳齊源

貫槎湖南桂東附生

萬光普創辦青龍義

渡募捐購田造船三載乃成邑之有義渡自此始

倉正張騰鳳虧空倉穀追出銀一百三十六兩置買水田八

彭山紀年

正編

十九 美利利公司代印

畝何喜恬虧空倉谷勒令賠出堰田六畝九分

創三費局辦緝捕相驗招解等件刊有章程

先是命案及路斃等吏胥每株連鄰人至十餘

里甚有逃兵匪人宵夜以假面具誑無力之家借此搥索自此局成此風乃息

同治九年庚午夏旱秋大水 李瀚章過境任沛霖當夫馬

局紳知縣匿沛霖挺身出而担任謂縣境瘠貧不能供億與
僕從爭鬧聲言直謁李公事乃寢

梁起棟袁有紱以恩副貢是年恩舉人

吳齊源設義學六館每館歲修三十千文由書院經費項下
開支

同治十一年壬申私鹽販偷過江口與緝私營兵斫殺數人

事聞提督李有恆來彭查辦嚴辦地棍數人事乃寢
學憲夏子鏞頒發九經及前後漢書三國志朱子全書於縣
學署

邑拔貢梁朝臣捐分吉林省知州卒於途次邑進士康模以
授山西解州直隸州蒞任三月以鹽梟重案撤省回籍

同治十二年癸酉秋猪疫民畏食拋置浮江七月江口九龍
山崩文生趙秉綱家及胡李二姓被壓死傷至三十餘人

吳齊源設養濟院收養孤貧百名每名月給米七升鹽菜錢五十文彭眉水戶上控督憲吳棠

委道憲蹇閻訂章程十六條改橫截爲順紫堰身高五字加
六寸邑廩生袁錫培等上控齊源賄充堰長八百兩督署以

彭山紀年 正編 二十一 美利利公司代印

卑污不職撤任

同治十三年甲戌知縣朱仁基効先江蘇無錫漢安鄉周楊氏以姦殺

親夫被凌遲姦夫黃某有姦無謀未株連

增生方廉東橋遺詩稿種墨山房其子澄刊行

光緒元年乙亥學憲張之洞以捐輸成案永增縣學額至八
名查縣學明時八名至是始復其額時應考童生約千人

舉郭咸慶艾鍾喬孝廉方正

光緒二年丙子知縣張瓌壁山甘肅武威監生

夏大旱 六月雨雹報聞減津貼千兩

光緒三年丁丑

奉文裁夫馬局

每糧一兩每年派四千六千不等
增生李嗣燾上控多次至是乃罷

戶吏鄧培遠當承參時詐欺稅契數百張鄧援例任雲南陸涼州吏目代理知州是年因公款被誣卒於官

眉州州判程元昌奉文履勘丈量通濟堰埂計自金馬河口起至魚波橋止共長七百四十五丈五尺堤埂寬二丈八尺江口耆民劉開全捐建橋一座其子純修并建橋樓約費千金黃龍溪夏元貞捐堰田四十餘畝創修平蓋渡船四隻

光緒五年己卯 旱 四月龍茂道丁准劉紹猷等上控示諭古佛堰騎街溝六十間只准拆毀不准添築只准抵搭木板不用石蓋刊碑立於金華菴 楊凌漢字澹仙樂山歲貢

彭山紀年

正編

二十一 美利利公司代印

道光間知江西新昌縣事多德政年七十歿其子嘉澍等於此筆得知任彭山城隍神縣人劉樂堦姚生春等鐫碑廟內

亂世之民畏鬼神甚於畏斧鉞既有碑記特以警人心耳

光緒六年庚辰知縣杜衍慶

克丞貴州舉人

劉現璋等會議三費局酌減浮費立有條規呈轉丁督核減鐫碑立於城隍廟門

邑人任沛霖援例知縣分發雲南歷署邱北甯洱下車即親出捕匪積勞染癘卒於官該縣建有德政碑

奉文建蹇公閭專祠

督憲吳據前縣朱仁基稟准至
是由貢生何慶儒監工落成

光緒七年辛巳張琮回任招練巡勇製造軍火十六件花矛

四件羊角叉四件關刀四件

丁督檄辦積穀倉先後共積三千四百一十四石六斗零

六月丁督准縣紳李會川李心坦劉文粹等呈控徵收地丁錢糧只准正糧一兩外加火耗五錢所有么二三及筭票等浮濫名目鑄碑永遠革除

光緒八年壬午巨匪劉萬萬伏誅

劉在柏木橋曾搶官帑被通緝不獲至是因秦某姦情為帥某所殺稟官檢驗

仍截其頭

彗星見闊二尺長竟天

光緒九年癸未張琮培修縣署二題思聰三題安居 地震

光緒十一年乙酉知縣莊蔭葵

滋晚江蘇元和監生

巨匪陳大和尚康籠籠越監典史胡壽銘奪職

彭山紀年

正編

一二十二 美利利公司代印

知縣謝恩澤

芋仙貴筑舉人

飭堰工經理夏侯永鑄鉄筒口十一箇未

安置攔縣署

文生盧錦江之妻卓氏刲股愈夫疾

年來夫婦動即離婚特書此條以警世人

光緒十二年丙戌知縣王峨峯

直隸交河縣監生

勤於聽訟判決如流

庭無留牘適某縣委員過彭未能供億竟以案積如山四字撤省

盛劉氏病篤其子德和割股調藥以進果愈

割股事本不可為訓然仇父討孝蓋亦危矣

光緒十三年丁亥知縣沈彥模

子盤浙江歸安舉人

長勝營管帶杜俞統帶水師一營駐防江口緝匪救生撰水師說略苦口藥等書以諭士民

巨匪金眼代王張獨山伏誅

各縣重賞通緝能飛身上城跳濠其隻眼紅色故云

訓導梁國選捐俸百兩培修文廟及學署重刊臥碑眉州監生夏某踰牆入廟折桂醉毆學差罰修月池圍牆

光緒十四年戊子知縣孫紹龍

吟秋順天大興監生

秋多盜至於城外拉

人始有拉肥猪抱童子接觀音革抱雞漚之事

十二月知縣顏鍾運

景生廣東連平附貢

署任清查戶口實行連坐法折

毀各處匪巢及興隆場誅匪首毛春山等數十人銷贓通匪之李倫倫應武試在較場被顏公捕獲巨紳某請以金作贖刑公嚴詞拒絕仍置以法

公議場附近有女光棍楊漚婁張漚常為匪眼線拉肥看

彭山紀年

正編

二十三日美利利公司代印

圈公密查捕獲瘦死獄中

忠義鄉役袁某通匪分贓李某貼示舞弊公置以死籠城內浪人魏老九正月治遊燈棚假冒官親藉事威福拏獲杖斃創製吊籠貓籠以黑辦匪類創製聯二聯三枷以懲竊盜夥從歲終捐俸製棉衣千領以惠孤寒刊勸民俗歌閨閩要略以行教化

光緒十五年己丑東街創建天主堂

外教來彭聞係咸豐初年其時在河東挖斷山巖家溝處

邑紳劉樂成承銷鹽岸

時鹽價每斤值錢二十餘文岸商不得任意增減

光緒十六年庚寅邑紳任汝霖培修西路江魚堤橋約費二千餘金

團總張世傑偵報匪類助縣折燬匪巢是年在青市附近板

橋沱被匪慘殺其父文生張翮上訴年餘正凶無着憂憤卒岳二姑廣東電白縣知縣維

堯之女母歿及笄父欲為許字女念母早喪兄弟相亡願終

身養親矢志不嫁年五十歲旌世祿之家鮮克由禮二姑如此故特傳之

光緒十七年辛卯知縣鄧維祺華溪貴筑翰林院庶吉士地震春大雷 夏

早秋淫雨五十日 開辦育嬰 舉賓興禮 培修城樓

朱學政善祥刊行四川試牘編邑舉人周鳳翔制藝賦詩十

餘篇

光緒十八年壬辰夏大風拔木

周鳳翔連捷成進士籤分刑部主事

彭山紀年

正編

二十四

美利利公司代印

秋大疫訓導張熙烈知醫施藥療救多人

光緒十九年癸巳知縣劉善源一六貴州監生

訓導張熙烈捐置文廟鼓磬祭器

保勝場盛廷美家江某傭工忠實勤勞壽九十餘歿主人率

家屬以喪禮葬於宅旁古人對於販夫走卒一長必取年來軍政界對於主官每反覆無常其視江某為何如

劉文壽百歲旌昇平人瑞額青龍場建坊

光緒二十年甲午知縣喬震生雨田河南鎮平孝廉方正

五月天主堂被亂民煽謠打燬是年復建

奉文征練勇費四十名每糧一兩初征錢三百文後增至六

百文

籌辦堰工局士郭尙璠奉委雇弓丈量狗堤堰積淨田一千九百餘畝已擬二分派水嗣吳某挾忿撕簿數頁遂短漏三百餘畝因改派每畝二分四厘七毛三

城隍廟張裁縫妻一胎三子報官給獎

法國人口大減近年積極獎勵生殖特記此條以俟夫戶籍吏考焉

江口張某有鷄姦事喬震生稟州牧馮惠來縣會審借教案

殺之

書伊訓比頑童時謂亂風古今同慨可不懼哉

光緒二十一年乙亥知縣康壽桐

季琴陝西城固監生

觀風添考古學每

月局門考課歲科兩考彌封拈題一時學風不變

新津堰

民橫截官溝縣紳李從先等上控督憲委高令士鵬履勘折卸三道車并會稟請眉州州判每年巡河

彭山紀年

正編

一二十五 美利利公司代印

李從先開西山硝井三四眼熬花鹽銷售鄰封與鹽商纏訟數年 初有耶蘇教

光緒二十二年丙申康壽桐創設通濟堰局分段分筒稽查隱漏杖斃堰役二名乃立柱造册合前畝數三萬九千五百八十七畝

奉飭徵解肉稅以作攤籌賠款之用

時徵稅每猪隻四百文肉價每斤百文稱二十兩

平蓋觀住持侯元正擅伐樹株被重懲後以債累縊死

故國喬木風景

所關康公而後人見其濯濯也可嘆

邑舉人任仁壽訓導幹卓如撰應警鐸詩二卷梓行

民治國家元氣

在道德詩中列舉陰隲不得概以迷信抹煞之

光緒二十三年丁酉幹卓如張騰請設義卷舉行賓興禮
拔貢徐元熙監生何文清貢生任光灼等稟准中堰向筒放
水舊規碑刊下菩提寺

縣署購桑秧一千四百餘株徧植城垣隙地以爲民倡
仁壽文生溫其玉來江口創修新式水碾水礮閱時六月費
金三千兩後以水勢變遷廢

光緒二十四年戊戌康壽桐培修監獄先後捕獲巨匪周軍
庭詹煥臣伏誅

光緒二十五年己亥康壽桐以通濟堰餘款重修縣署廳事
及九房折縣庫擇燬案卷置水龍一架零件俱全

彭山紀年

正編

一十六 美利利公司代印

奉派昭信股票庫平銀二千零五兩移獎刑席程延邑紳張
光輪上控以辦理兩歧被斥降級

御史高釗中以陝西募股不善奏停在案康公因鄉人函知故彭山募股較少

至此其功
過兩抵歟

奉派塔捐賑濟陝西旱災勒捐縣中富戶給予貢監虛銜約
銀二千兩

光緒二十六年庚子康壽桐委教職徐攀雲職員劉樂成創
立文明局奉飭增辦新捐初派約六千後歲有增加 新民
橫截通濟堰官溝邑人上訴督憲奎俊委姜令鵬程會勘申
明舊章五條刊板印行 四月新繁黃道超測繪岳池蔣萬
銀鐫有通濟堰圖印行聘新津舉人吳克讓主講江源書院

培植文風李從先八十三歲恩賜舉人盛嘉猷恩賜副榜
邑拔貢分發江蘇知縣徐原熙上瞿尙書變法十六條善後
七條條陳採擇施行

光緒二十七年辛丑康壽桐奉填大計得卓異精明練達才
具優長八字考語

歲大饑斗米二千錢督憲奏蠲本年新捐半數并奉發帑銀
五千兩爲賑胡保正散賑弊混罰銀千兩劉樂成梁宏鼎辦
賑得力錫督良以勤恤鄉閭四字旌其閭

光緒二十八年壬寅知縣彭泰士擢林長洲進士觀風超等獎給儒門

法語輯要是年廢入股改策論士風一振 翰林院檢討累

彭山紀年

正編

一二十七

美利利公司代印

官廣東按察使新津童械字遜菴葬於西路石梯塘

初有郵政局 停止武試

八月拳匪

俗名紅燈教

在縣東山焚教民宅數處焚教堂三處撲城

奪門入旋南下眉經高牧增爵擊散縣境乃平

貢生何慶儒百歲五世同堂恩賜八品頂戴 喻克仁徐原

烈等組織天足會講演勸婦女放脚 督憲岑飭康壽桐回

任辦理教案駁議往復十餘次至於涕泣假藩庫銀四萬兩

以石佛菴廟產抵之嗣以契稅每百兩由六兩加二兩以填

藩庫

始通用當十當二十銅幣當五角當一元銀幣

江口設鹽務官運局并置巡船一隻常泊王爺廟前縣境解送鹽本銀動以萬計堆鹽動數千包發行三十八廳縣

光緒二十九年癸卯奉檄停止書院鄉學以其款充學費派師範生廖如璋朱澤周鳳羣徐原烈留學日本

康壽桐飭各紳糧賣穀填倉價二兩七錢計買六千八百八十石

南路黃某因姦殺其妻傅氏及姦夫李某

俗名雙頭案自報官勘後即無事事關法律沿革特錄之

光緒三十年甲辰邑進士周鳳翔奉錫督奏派監督全川賞送學生約二百人遊學日本學習師範分文理博物三科都為十八門編講義二十册印行

彭山紀年

正編

二十八

美利利公司代印

康壽桐就考棚改修官立小學校託周鳳翔在日本購儀器徐原熙在上海購書籍約費千金

江蘇保用直隸州知州徐原熙以漕運積勞卒於上海差次設師範傳習所 初設農務局

初徵酒稅

全縣醱房十九家每酒一醉計百斤每斤征四文其時賣價四五十文今翔貴至此

請頒新印

光緒三十一年乙巳督憲錫良籌修鐵路縣設租股局自糧二錢五分起每糧一錢收谷一斗先後共收四萬三千七百九十兩零又購股銀共二千七百五十兩俱解公司存儲徐寶田為黎堰懇示刊碑以均水利并呈准永定規章八條周鳳翔駐日本聘教習瀧口定治郎教授數學理化月俸八

十元并購書籍儀器運回彭山

康壽桐籌辦學校據縣紳張朝棟呈查志書又以鐘磬爲憑
詳稟州牧張明毅爭回焦觀寺斫楠木多株製置校具
康壽桐捐銀四百兩購史鑑數十部存儲學校

劉詩言劉永清等創辦宏育小學經費由該會館支出

王國藩王承堯創辦存液小學經費由該會館支拂

張朝棟徐原燿創辦成德小學經費由勸學所支出

劉漢基胡應宸創辦鄰彭小學經費由勸學所支拂

郭瀛創辦儲英小學經費由該廟自行收支

汪輔仁張光純創辦普育小學經費由謝場自行收支

彭山紀年

正編

一二十九

美利利公司代印

西路太平場側筭箕崖有渝商曾某與本地王興山集股註
案開辦金礦探得金砂不久罷又張灣張輝軒挖有炭礦含
磺質不久亦罷 奉文停止鄉會試科歲考

光緒三十二年丙午奉文嚴禁鴉片煙定限十年內一律革
除淨盡

廖如璋創辦守中女子小學經費由該會館各款自行收支
管鎮奎向雲龍創立共和小學經費由勸學所支拂

梁國祥晏朝弼創辦作新小學經費由勸學所支出

宋宗澤萬國臨創辦詔榆小學經費由該廟自行收支

周鳳梧創辦名經小學經費案准社濟倉十六石該廟四石

自行收支

李奎壁戴崇林創辦洪中小學經費由該校自行收支

張永芳馬登雲創辦雅正學校經費由保勝場自行收支

徐原烈留學日本暑假遊歷韓國時韓人正仇日幾被混殺

著有遊韓紀略印行

毛少伯吳錫齡等呈准禁止侵佔張綱墓地鑄碑遵守

康壽桐准副貢廖如璋在壁山廟學堂業內撥出七厘以安

葬其父仕興壽百齡八品頂戴以遂孝思 康壽桐為通濟堰局購置

謝培文業五十畝又范義和業四十二畝零

通濟堰過道船筏違章撞損篋埂眉彭稟准錫督出示鑄碑

彭山紀年

正編

三十

美利利公司代印

堰頭彭山刊板印行

光緒三十三年丁未知縣阮開銓右衡陝西山陽舉人

升孔子為大祀頒丁祭祝文

彭山袁為林眉山黃佐鈞仁壽羅青雲等創辦三縣聯立小

學經費由該校自行收支

初設官礦局在西街購地建屋改稱成綿資邛眉督銷局

初設經徵局 初辦警察 縣境始有糖房始抽糖稅二百餘串時糖價每斤四五十文

阮開銓備價領回毛瑟槍八桿鑿有彭山縣字樣 改設乞

丐廠造人力車數十架交警察管理流民承推不久罷

創設便民局無息借貸不久罷 創設習藝所令罪犯貧民

入所習木器機織等頗獲餘利 冬鹽關大火

光緒三十四年戊申督憲趙爾巽扎飭各縣嚴禁稅契有恩
稅炮稅辦法 阮開銓倡捐俸一百四十兩培修青龍場支
水三道下橫箴籠裝石以弭水患

毛少伯杜永和創辦愈愚小學經費由該廟會館自行收支
眉州聯立中學校開學解建築費銀二百兩圖書儀器一百
兩日本教員後藤美之旅費銀一百四十兩并議定協款照
數 初設糖稅局眉彭青三縣合局駐眉山城內舊州判署
知縣李魁伯梧福建
詔安進士 奉文裁汛防外委缺 開辦巡警教練所

初設勸學所 初立習藝所

彭山紀年

正編

三十一 美利利公司代印

初徵油稅

全縣油房四十四家歲榨油二十五萬餘斤每斤征錢四文可
征錢一千二百餘串其時每斤賣價八九十文今翔貴至此

宣統元年己酉知縣孫世奎

星五湖南
武陵監生

正月奉王藩飭栽北路電桿三百五十根

三月彗星見西方七月始滅 初籌選舉分劃三區二十五

團 改農務局為勸業所

初收碾
磨捐

初設農會 初設教育會

初設統計處每糧一兩征銀一錢五分 開辦自治研究

所每糧一兩征錢二百文 舉劉永清周漸達孝廉方正

選拔盛希文劉瀚清

前此僅一名因停
科廣額故二名

劉正襄九十歲恩賜八

品頂戴

陳玉海擊斃陳某以子報父仇赦之 曾繩武任

眉州司選員何道貞任青神司選員趙督記大功二次加辦

事妥協克盡厥職考語 奉發上中下婚書各百份飭四十八保領售價四元四角 歲貢夏鼎銘熊耀山等條陳古佛堰利弊十條周勸業道深為嘉納

宣統二年庚戌知縣孫涵藻

凱襄湖南未陽附貢

沈元章帥昌國創辦廣智小學經費由勸學所支拂

袁祖武創辦梓材小學經費由勸學所支出 倪文藻創辦

宏文小學經費由勸學所支拂 宛尙文創辦培育小學經

費由該廟各會館自行支拂 徐原烈著有鐵路政見錄在

漢口印行 奉文裁儒學訓導缺 初立商務分會

是時續人蕭怡豐鄂

人元盛生秦人恆豐彩晉人合盛元均雲集於縣城自國變後皆散回原籍其形跡可考者惟蕭姓之堆花窩子與南北花行耳

成立城議事會

彭山紀年

正編

三十二 美利利公司代印

五月奉令清查戶口縣屬人口共十一萬八千九百八十

二人 耶蘇教牧師建樓房於西街 彭眉上控新民勸業

道周善培來堰履勘將李子灣三道筒車永遠拆卸後改為

腳踏車每歲由彭給費六十八兩三錢八分作為津貼 火

硝商姚際唐繳壓金百兩旋罷 勸業道頒發九七平法碼

二十八件設官平局飭繳工本銀十二兩 勸業道扎發製

定新式絲車由蠶桑傳習所教員張珣具文備價領回 邑

人任汝霖署江蘇陽湖縣以道途不靖未歸卒於滬

宣統三年辛亥知縣丁立桐

梧階江蘇丹陽監生

慧星見 四月梅花

再開 桃李秋華 包穀尖端結羊角狀 奉文停止刑訊

奉文以縣境壤地插花應另行析併彭山同華仁雙官紳

集黃龍溪會議僉以輿情未洽暫請緩辦

府河多匪且有游長懷寄莊糧稅時擬以潘家壩相

掉惜未舉行

初成立縣會及鄉鎮各議事會

初設官膏局設禁

煙告密櫃 考速成巡警五十三名半年畢業 鄒元忠創

辦作人小學經費由勸學所支拂 黃驥劉炳文創辦神武

小學經費由該校自行收支 傅廷愷創辦沃心私立小學

經費由該祠自行收支 徐璋創辦東海私立小學經費由

該祠自行收支 張雲山創辦柏林小學經費由勸學所支

拂 奉藩憲尹籌辦新政勸議畝捐

以三十畝為起點年約捐銀五千兩

七月初

十日紳學各界成立保路同志會

陳報銷册招待挪用新捐銀二千兩

十二日罷

彭山紀年

正編

三十三 美利利公司代印

市 十四日各校罷課 二十六日歐陽清來縣劫監巡防

軍棄城而散 常監倉報稱打毀霉爛谷約三百石 江口

鹽局被劫新津劉三綱等上控趙鈞衡等據稱一百四十三

張引變賣招待同志會用嗣委員王致祥來查僅稱二十四

張零三十六包繳剩錢五百餘串又罰錢千串報罷 九月

荃字營由建南來路過彭山數日乃去 丁立桐辦理城防

製造槍支刀叉火藥等

陳任銷册兵餉挪用地丁銀三千零四十六兩

十月初七日成都

宣告獨立以黃帝四千六百九九年紀元稱大漢四川軍政府

下截髮令十二日彭山開市 十四日周鳳翔在省為全川

巨紳代表冒險進將軍署以至誠泣勸玉將軍鍾都統繳械

卸職議給餉項准賣甲地由是旗兵與陸軍撤退省城得轉危爲安 十一月初二日陳忠良紹庭邛署縣事 十一月十

三日奉南京臨時政府令改用陽歷

中華民國元年壬子 清隆裕太后率宣統皇帝遜位於民

國 頒定五色國旗 頒布赦令 頒發四川彭山縣印

黃克強發起國民捐一時縣人捐一千三百餘串解省 財

政司通飭宣統二年以前積欠丁糧概予豁免 設徵收課

由縣議會王國藩辦理以地丁爲正稅并津捐爲副稅仍收

經警練費票費十六文 陳忠良練彭字保安兩營每糧加

二兩以作餉糈 四月眉州州判改爲新彭眉水利分知事

彭山紀年 正編 三十四 美利利公司代印

水利署移駐新津 陳忠良准議會請核減堰局估工勘溝

等規費至三分之二并准堰監修馬耀廷立規則八條 周

翔集股款四萬元在青龍場創立同益曹達廠製造純碱濃

晶碱燒碱年約六十萬斤呈准實業司立案註冊 周宋兩

姓在青龍場沿江一帶淘沙金頗獲利益 邑人姜維鷹就

丹巴縣青知事司法因改土歸流被夷匪慘害 年來縣人多奔走國事奈有幸有不

幸特記之以誌悼以下仿此 張玉輝留學日本警察畢業歸國任上海巡警

總局提調以積勞卒 張學籍合江隨宦來彭多年今有糧消煙故以邑人例特書於此 舉臨時省議員

何道貞陳燮周赴省與會 清歲貢張鵬等請准培修文廟

大成殿崇聖祠 李鍾嶽李成烈創辦繩武私立小學經費

由該祠自行收支 王价蕃任小學教員五年省署以盡心任職全盡義務獎給四等文杏章 帥昌國任小學教員五年省署以熱心桑梓辦事不遺餘力獎給四等文杏章 民國二年癸丑 奉文改彭山爲中缺公俸八百元未設技士減去三十元以七晷開支 耶蘇教購南街郭姓業建福音堂 縣會毛崇儒徐原傑詳准豁免濫糧五十四兩一錢五分七厘 陳忠良爲通濟堰購張琦堂業十五畝零 三月通濟堰督工委員何道貞上胡督條陳分治標治本胡督嘉其擘畫精詳言皆扼要三縣會議採擇施行 省署准眉山知事李芳整頓通濟堰水利以正名稱清權限汰冗員移

彭山紀年

正編

三十五

美利利公司代印

衙署定俸公裁陋規各節爲入手辦法 省署改水利分知事爲水利常駐委員并頒發暫行章程俸給公費表 水戶張鳳林曾步雲等先後呈請實行減政裁撤水利委員省署批斥并新頒木質鈐記 邑人周鳳羣任新津征收局長駐軍陳鳳昌兵變恐廢册燒失窖藏土中并另造小簡以便攜帶原有濫糧六十餘兩轉呈報部豁免 舉行第一屆國會初選當選周翔張治祥赴省覆選張治祥被選爲國會議員 舉行第一屆省會初選當選周鳳羣黃驥毛少伯毛崇儒帥其勳徐原烈等六人 視學廖如璋呈准創立鄰蘇小學經費由勸學所支拂 文生宛尙文創建龍興場

原名馬何菴

謝九如創建龍安場原名龍門寺

民國三年甲寅 奉文改眉州為眉山縣彭山同屬建昌道

奉令改設征收局長與縣知事平行直隸財政廳彭山列為五等局俸給月百元

奉飭臨時附加收回軍用票費每糧一兩附收銀一元八角

奉部章規定各縣地方附加稅不得超正稅百分之三十

始征驗契費銀數八十兩以上為大契征四元四角錢數

百千以上為大契徵一元二角 陳忠良創辦貧民工廠楊

樹蕃捐堰田二十七畝胡督給獎好義急公額胡文英捐山

田四十畝給好義可風額 陳忠良培修城廂街道并備置

太平缸二十口水槍四桿水桶數十個

彭山紀年 正編 三十一 美利利公司代印

二月知事王暨英宜癡大邑武備生署縣喬裝越境查案往眉山多悅

鎮捕獲要匪戴宗武梁玉廷回縣正法 邑人鄢孝鴻奉委

合定鄰岳等縣善後司令合川舉人莫道生等控縣議員伍

鼎元素為匪首孝鴻率隊搜出贓證捕回正法伍為該縣土豪羽翼頗眾其家屬控

於某軍已擬稽勳議卹在省議會提議該縣議員證實打銷事乃寢 創修新民場徐原烈呈准街規八

條鐫碑遵守 八月傅光第徐原焯等請修縣志王暨英聘

徐原烈為局長彭縣呂吳蘭為測繪員 奉部令水利常駐

委員俸公各款由國庫開支計一千零五十六元又監工員

五月一百五十元

知事徐鼎敘五巴縣警察畢業署縣召紳會議舉代表下眉籌商堰工事

宜三條一保護堰堤二淘修溝道三制定筒口會詳道省立案

知事劉澤龍

輔周華陽人日本法政畢業學士

會同徵收局長翟用遷奉令投標

出賣第一批官產

新津西門三里廣惠橋有彭山接建南差事房基數分特錄於此

縣署初設承審

員

月薪支四十串范知事時月支百串蕭知事時改支四十元

劉澤龍解募內國公債商民計三

千元政界一百七十元全年六厘付息 清歲貢夏鼎銘被

古佛堰堰民舉充堰董大修溝道 邑人劉開宗奉委赴滇

謁蔡督申明川事條陳利害蔡督給以勛勞證書回川覆命

胡督深爲嘉許 鐵路股東分會會長徐原傑奉辦填換票

據三月竣事票卷一律交縣署存查 商會華封應成都展

彭山紀年

正編

三十七 美利利公司代印

覽會徵集物品呈解硝粉人物四座 茶商曾光裕認派股

茶票六十張印花一百二十顆押庫平銀六十兩 邑人吳

成禮以團長守隆昌被部下戕事聞贈中將賜卹金如例并

給三千元治喪費 十一月頒行政官祀孔禮并廟次位

民國四年乙卯 春夏大旱 農民多挖塘掘井間有安設

牛車 頒定關岳合祀典禮 袁世凱改國體爲君主以明

年爲洪憲元年 部令清明爲植樹節彭山以平蓋觀仙女

山爲公有森林地點 二月縣署查照前城會議案主賣仙

女山陰地每一棺橫直五弓價百兩給據管業 三月劉澤

龍奉命赴天全助平叛軍陳步三亂岳隊長陣亡 四年曹

達廠呈准省署撥借補助金五千元

王室藩

靖瀾湖南湘陰

代理知事盜風甚熾時有劫城之謠

視學吳

承麻籌壁山廟賣坎地銀百兩培修文廟櫺星門

吳承麻

呈准創立任祠小學東山小學天皇小學經費由勸學所支

拂 財政廳委印花稅勸導員秦亞東來縣派三千六百元

交商會團保發貼契約簿據 六月府河引岸鹽公司成立

指定配運樂廠鹽勛并分設承銷商店 夏鼎銘呈准古佛

堰設局并擬定簡章十四條 國民代表初選議員徐原烈

條陳堰務援都江堰例請撥款三萬元省署派徐運昌到堰

估工准先撥五百元餘俟大修續撥 十一月水利委員黃

彭山紀年

正編

三十八

美利利公司代印

奠助會稟抽收過堰船捐 下堰水戶代表徐原傑呈以泣

懇裁畝以救危亡未蒙批准

農田堰水須利益均沾上游橫截太甚毋怪下游有此舉動也抱個人主義者是亦不思而已

矣 宋萬洪何興發等先後請設立堰工研究會 西路耆

民張東賢等創建順河場

原名鄧廟子

徐原烈請賑三千元奉糶

倉谷六百石三區捐金數千因本縣辦賑免解 宋明洲倡

辦賑濟墊銀二百餘元大吏以好義急公旌其廬 劉澤龍

回任抽收糧富捐每大糧一兩附加錢一千文五分起派收

糧票費三十二文

民國五年丙辰

三月知事劉鋒

仲韜京兆通縣

署縣股匪余輔臣率

衆千人劫城劉鋒率警隊王澤周等登城射擊適有運廢槍

北兵一排過境聞聲來助鏖戰數時傷斃悍匪十餘人奪獲土抬炮竹梯數件傍晚遁去 鋌進軍胡家政率衆數百人踞青龍場駐縣江防營趙吳兩連同警隊長擊敗之斃匪二名陣亡士兵三名奪回錐子手槍一桿旗幟等多件 巡閱

使楊維來縣捕殺警隊李南山

李本要匪劉知事偏稱以匪治匪楊來多攔輿喊控故殺之

設臨

時保安籌議會以王國藩毛崇儒卓凌雲李應庚朱富劉瀚清余仕昌徐原烈爲會員 劉鋒規定蔡家筒車灌輪放修淘章程八條其碑鐫立靈祖廟 四月青龍場周河壩地裂噴血高尺許氣腥 西山老鷹溝張某爭繼產業不遂竟戕孀母用釘釘臀經劉鋒審實殺之其妻范氏賠斬駭極瘋死

彭山紀年

正編

三十九 美利利公司代印

五月大旱秧苗爛根後白穗歉收 曹達廠呈准省署援案請免稅捐五年 劉鋒率隊星夜趨水勘溝折去橫截時新民至詈罵擊石劉鋒不顧并爲下堰借水白鶴泮挖毀旋即修復 劉鋒會同三縣履勘鉄牛壩淤積沙面豎碑永作搭棚地點 北二區黃三和三合借土開侯筒溝在堰局註册立畝三畝六分 劉軍長存厚響應西南護國軍彭山始借墊糧稅議以煙火爲標準 劉旅長成勛委曹團長文龍來駐彭山此爲駐防之始 七月始提賣倉穀碾充軍米至一千七百餘石 劉鋒墊解內國公債先派二千元加派一千五百元政界一百六十五元 劉鋒捕獲前同余輔臣劫

城巨匪黃琢章殺之并沒收其田產四十畝零 劉鋒以徐某罰款補修城堞及四城門 劉鋒以王徐劉三任內查收哥老會底金銀四百餘元解省辦工廠 趙舉河謝廷舉創辦植材小學經費由勸學所支拂 帥樹勳創辦蔚文小學經費由該寺會款自行收支 由京頒來彭山縣印 民國六年丁巳 大總統褒揚粟士玉母黃氏劉伯慧之妻李氏賜額曰貞孝之門 三月劉漢基創辦彭江蜀華絲廠繳費立案

知事李永實佩秋直隸撫順廩生署縣奉辦春貼捐飭勸學所備製分發區團轉售取費每張十二文 五月水利委員宋學夔呈准

彭山紀年

正編

四十

美利利公司代印

抽收過堰船筏費以為募丁保堤巡查筒泮暨培修堰堤祠宇建設衙署等項之用并規則九條 六月滇軍韓鳳樓來攻眉山縣為震動省軍壓境籌餉拉夫備辦芻秣急如星火嗣滇軍敗退青神以下縣境乃甯

知事蔣繼琬大璋璧山署縣籌辦兵差先後撥積谷倉谷至一千

四百石碾軍米一百四十石 典獄員康乃綱奉查積谷倉東一廩被竊二十五石七斗城防局撥積谷八十二石七斗防軍喂馬去十三石四斗零 七月大水漲淹城南奎星閣城埧十餘丈沿江一帶冲壞矮地至二千八百九十畝零無着濫糧至一十七兩七錢五分六厘六毫 邑人沈煊就陳

雋翹崇化屯分署司法因與該處駐軍黃團長有隙沈回省路過達維被喉人狙擊遇害 黃驥創辦桑柔女子小學勸學所每年補助費一百串 徐原烈在省城籌賑局曾督辦處請急賑四千元縣中動撥倉谷三百餘石 徐原烈印縣圖八幅計四千五百張 徐原烈呈請張省長援例撥來堰款一千元 彭山警隊被駐軍陳宣廷編去以王澤周爲連長快槍七十二支竟被損失嗣縣人劉銳等控告衛戍司令劉成勳給有收據經議會議決寢事

民國七年戊午 二月靈彰寺黃余兩姓打虎被仁壽嚴某奪去釀出命案上控數年 二混成旅汪可權退駐彭山勒

彭山紀年

正編

四十一 美利利公司代印

款而去舒師長廖旅長梁團長先後壓縣紛紛提餉索米省局變起彭山戒嚴 邑人何道衡署儀隴縣知事護國軍進城道衡出避遂誣以捲款并出示招告卒無得嗣道衡回城結清前三任交案代賠數百歸成都時僅剩銀四元 四月地震有聲

知事范天烈

紹先永川舉人

署縣籌借民間軍穀一千七百餘石票據

准其抵糧

奉省令飭各機關推舉監察員限同縣局銷燬

蓋戳截角之兌券中券滇瀾兩券 縣會毛崇儒徐原傑請

准統計費永遠停收 商會張孔修宋克成設換票處虧折

基金至五千七百四十串并造紙票兩千各區虧折至二萬

九千一百三十八千三百文

知事劉澍霖生 貴筑 署縣事 彭山農民數百荷鋤往新津割挖

支水保護通濟堰鉄牛壩搭棚地點 彭山向元典眉山趙

松山呈准川西道飭都江堰水利知事開水時期義讓旬日

新津義讓十日以灌彭眉 水利委員公署船捐司事因收

捐糾葛毆斃船戶車洪順宋委員棄印挾眷私逃 設兵差

籌備處辦理傷兵床被草等事初以罰款積谷 開支繼加護商契稅然無簿册可查 四師派隊清鄉照請劉

瀚清徐原烈等為清鄉贊助員 劉克靖創辦藜蔭小學勸

學所每年補助六十元 十一月前內務部印鑄局主事鄭

謙署青神徵收以頻年奔走革命又以款項被誣憂憤卒於

彭山紀年

正編

四十二

美利利公司代印

家

民國八年己未知事牟秉炎朗星大 邑附生 初立團練局每糧一兩

附收團費三百文始收船捐作團練專款 初設實業所始

收公告費作實業專款 四月通濟堰水利委員向金鋪會

呈繼續抽收過堰船筏費申明實行繼續募丁保堤巡查筒

泔暨培修堰堤祠宇建設衙署等用并修正規章十二條

六月成都水利知事童良開辦堰工傳習所三月畢業 彭

眉新始爭訟堰彎至十一年乃定為橢圓形綫長三十丈寬

一丈五尺西岸支水改為順水魚嘴改向西偏直對西岸

毛麟等呈請定堰堤開缺日期及地點奉省署批應於用水

畢後由水利委員辦理不拘月日總期適宜 青龍場河工
劉師長成勳捐錢五百串陳師長洪範捐銀二十元培修
清歲貢候選訓導徐攀雲莘樂山房遺集爲其子原烈印行
舉行第二屆省議會初選當選周文昶周漸達帥昌平夏
侯魯黃驥徐原烈等六名 九月重慶銅元局長張治祥剷
除陋規以銅劬分兩餘利每年可得二萬元歸公并創辦機
械工廠造製汽船汲水機等嗣赴夔交涉鹽務在夔關遇刺
日本宏文師範畢業高小校長毛麟長校五載畢業生百
餘人積勞病故請給卹金百二十元 謝市閔昆昆吼稱以
百串錢逼死主婦自行剖腹抽腸跳河而死 張珣呈准創

彭山紀年

正編

四十三 美利利公司代印

辦菓園小學經費由勸學所支拂 萬國臨介紹縣會轉呈
財廳豁免華屬被水沖沒余祠濫糧九分零三厘四毫

民國九年庚申

二月四師團長羅金元知事游德崇

伯高資
中武備

業畢培修武廟 四月川滇再戰縣始爲預征糧稅惟地方附

加不得援例

五月典獄劉維漢

澤敷
閩中

代理知事因軍事吃

緊城鎮始辦傳遞步哨以送公文 文廟駐兵病疫至於瘋

人

查各國立約保護教堂惟吾國
人每以摧殘聖教爲能事奈何

夏旱大疫

俗名抽
筋症

城內死亡近千人

西街園壩卑濕病苦尤多 教職員萬國臨捐修金二十元

視學徐原烈捐俸兩月培修文廟 廣東徐聞縣知縣清眉

州舉人劉寶臣葬縣屬仙女山其子書晉廬墓講佛并建華

光院爲居士叢林 征收局長劉俊蕃搜吞鉅款萬元議長
徐原傑等請通緝追賠 財廳曾寶森飭派第三期有獎公
債票一萬元始收停泊捐作團局專款 初立地方財政收
支所始經收肥豬出口捐 十月新民何德懋周子源吳
南軒等橫砌支水四十餘丈順紫魚嘴一百餘丈逼水東流
直射堰彎新津堰棚會議時新民帶隊入場嗣眉彭迭次上
控奉上峯令折毀 十一月公議場後山股匪嘯聚劫場
陳忠良卸任墊江知事任忠艷石墊梁清鄉司令因編邱某
魏某隊伍爲道署彭某所嫉誤謁黃道尹被拘是年驅滇逐
黔道尹退却時死於亂軍中

彭山紀年

正編

四十四—美利利公司代印

民國十年辛酉知事賴國藩

建侯宜賓高等學堂畢業

署縣補選縣議員

三軍騎兵團長彭光祖八師連長劉瀛夔分駐彭山 團部

軍醫正饒瀛洲在城內南華宮捐廉設立貧民治療所 教

育會吳承庥張朝棟呈准以北門外秋水祠改爲張李二公

忠孝祠 三月曹達廠以軍興營業停滯呈准省署續免稅

捐三年 六月留省學生楊學純等暑假回家夜泊鹽關被

匪劫去書籍錢物多件匪逃塔壩分贓報聞縣署登時去緝

格斃一名生擒三名槍決河岸又舒福堂毛奇鳴家被劫均

獲匪首正法兩三月間破案五六起匪勢頓衰

知事蕭鍾漢瑞堂大署縣 奉川督劉湘令援鄂援陝臨時軍

邑附生

事公債五千元 縣署內雇匠新製毛瑟槍二百五十枝飭團甲備價領用 存古學堂畢業生趙國良編說文部首兩卷印行 徐原烈編鄉土教科書并籌路芻言均印行 幹廷瑞等上控駐軍在江口鹽關等處銷燬制錢懇嚴密查禁西路團練游擊隊李子珍李玉軒爲袁家追匪叔姪被害子珍妻張氏撫尸痛極以殉之 新慎和承認硝商具壓金二百元年征捐八百元 團練局長黃驥雇匠製槍百七十支 邑人李繩武署墊江知事捕獲巨匪蔣占雲殺之該縣士民稱快建有德政碑 邑人張益川赴南洋新加坡柔佛島創辦建集學校頗著成績蒙英政府嘉獎給路費五百元

彭山紀年

正編

四十五 美利利公司代印

歸 邑人徐學埠由成都考送北京清華學校肄業以幼學病卒其父季臨雇工赴京扶柩回縣葬於義和場側

民國十一年壬戌知事余承萱漢丞新繁署縣 初立工會選出

鄒元熙盛光宗爲正副會長越年以工統於商裁撤 縣議

會再成立惟裁城鄉各級議會 商會鑄錫錢四千串 肉

稅劃爲省教育專款由勸學所收解 初辦留學生貸費

奉文議捐谷填倉每糧一兩捐谷二斗五升暫積千石以重

荒政惜未舉行 自治協進會呈縣稱征收局填票闕略藉

浮收錢又糧票柱加一倍收應請革除年來納稅已無定法而書吏給票復不分柱填明正副稅合填

一票復加收兩張票費 處處賤削民命何堪 教育會吳承庥張朝棟查明文廟武廟忠

孝祠三處楠柏樹株呈請縣署備案保留 張光純呈准設
下堰溝工局辦法擬行十一條 堰董喻克仁以堰局祇修
官溝大泔土堰其他不得援例請款立案存查并請添委監
修一員自辦篋竹並定篋尺過心法碼以杜減料偷工之弊
知事王瑞楨梓周 印嶸署縣 通濟堰租新民馬香泉等族人公
地三十三丈年收租五十千楊銀山七丈年收租十千以便
紮堤作埂截水歸河其錢由水利公署支給 眉山縣立中
學校學生數十人搗毀倪知事德政碑三處杜知事迭來文
請交出嚴辦適徐原烈長校以民意不可偽造經多方對付
寢事 福音堂教士陳文彬創立華西小學經費由上海內

彭山紀年

正編

四十六 美利利公司代印

地會支拂 福音堂牧師購有戒煙藥品陳文彬設戒煙所
分班與人戒煙捐貲縣署出示保護 清歲貢蕭德音繡佛
軒詩稿爲其子安雅印行

民國十二年癸亥知事吳培

培因 江油

徵收局長王秉章請免濫

糧七兩五錢五分四厘四毫仍加其他糧柱項下以取盈

邑人張洪遠任十師營長駐防新津以胞妹太元於清末割
股愈父病是年其妹組織佛會成立爲照創痕攝影分贈會
員以誌孝思 三月東山雨雹 東山麻柳溝盧福壽等組
織乾記花園十餘畝種玫瑰茉莉出售鄰縣以闢富源 彭
團長之兄光烈來彭一夜逼籌二萬餘元并扣留李營長敬

孚五混成旅萬團長成來縣光烈乃西走光祖匿八師劉連
長處拘為質縣中驚擾異常是時軍無紀律劫毀縣署徵收
局堰局

知事李肇基

崇高華陽

逃眉山司法王維翰代理縣事

萬團長

以從兄萬傑

子英西陽附生

署縣事行政有主回復治安

八月彭仁

華新紳民組織聯合團上峯委彭山知事萬傑為督辦仁壽

溫其玉為坐辦辦事處設於黃龍溪 九月萬傑率領各路

聯團抄圍龍門寺清查窩匪 江口初設護商事務所

張師長委蕭秀

山為創辦員每月可收六萬元

鄢孝鴻任兵工廠總辦委徐原焜為物料庫主

任所有銅鐵邊渣月可得五千元又賣主外除餘炭年可得

彭山紀年

正編

四十七 美利利公司代印

萬元均涓滴歸公 徐原焜條陳以造彈壳餘銅運交造幣

廠壓回銅元十五萬串以濟公上開支 邑人吳毓靈以五

師營長兼潼南縣知事在敘府雷劈石三父子同時覆舟殞

命 邑人盧章藻以邊防軍軍法長兼署資陽縣事收回軍

隊借券十數萬并代民請減免墊款煙捐及嚴懲過境傷兵

之為民害者頗為人民稱頌 盧竹軒等將蘆沙堰堤下原

有水磨改作水碾定名永豐懇請立案眉山水戶上控省署

勒令折毀經眉山戴知事彭山萬知事會勘查康前縣壽桐

時曾派有堰水九畝息事 彭眉新水利委員藍天與以堰

工善後辦法十六條上省署蒙採擇施行

民國十三年甲子 正月熊但潰軍過城梁旅過江口兩日
計籌五千元本年預徵至三年 二月軍隊佔拉堰夫魏興
壽被石擊殞命堰局卹錢五十釧 三月江口駐兵佔扯蘿
葡殺斃陳嫗并傷其女 四月籌清鄉費每糧票加百文
五月曹達廠以營業困難呈准續免稅捐兩年 五月錢荒
商會吳國棟盧肇植提議鑄錫錢一百釧變通行使 六月
萬傑調軍圍攻半邊街府河場黃龍溪等處追逐匪軍旅長
黃胄同駱團長潛逃擊斃戚團長於藉田舖府河一帶始獲
安寧 八月奉籌邊督辦劉令按畝籌借軍米四千石折價
合銀四萬元 十月初徵煙苗稅縣署會議薛晉康張朝棟

彭山紀年

正編

四十八 美利利公司代印

徐原烈等再三請十一師張師長收回成命竟觸其怒立褫
其職後稱畝捐仍籌四萬元 奉省令勸學所改爲教育局
通省志局宋總裁照請徐原烈爲採訪員成書三卷 賴
天德等創辦五省聯立小學教育局補助經費六十元餘由
天齊會自行收支 季秉中在蔣總司令部頗著成績官費
派赴俄國莫斯科大學肄業政治經濟此爲彭人留學歐西
之始 堰工局董郭家駒呈明接收高廳判決譚德沛侵佔
堰產丈積三十八畝零與各佃立約完結 旅長兼遊擊勦
匪司令張自重因前在渠縣杜家岩以騎兵團長奉令追二
軍至夔關有公仇在省城被害 二等軍醫正賴開宗卒於

敘城趙成璧卒於雅城先後距十日 萬傑以團局裁撤餘款千鉅並募款五百餘鉅委帥昌平等培修奎星閣

民國十四年乙丑 一月徵收局長梁順文自減票費每張

十文時票費五十文 川邊督辦劉令飭籌軍米五百石每石折價十

四元 二月省軍第十師何金鰲沿府江南下分兩路來襲

李團與戰於附城之管山壩 越日又由蘆子坡來撲李團

不支棄城走蒲江 知事萬傑逃眉山何師傷亡數十人進

城藉口彭山聯團助戰復借搜索搜劫數家 何師秘書李

德充穎成西充署知事另鑄木質縣印 三月彭眉鑿兵八師向

康衢增兵來駐攻眉大隊雲集各街舖戶擁塞滋擾籌餉拉

彭山紀年

正編

四十九 美利利公司代印

夫封倉徵發公私財產損失數萬元 四月匪風大熾一夜

搶劫數十家青龍觀音兩處且攔路搶人教練長陳德培厚

基捕匪殞命轉報上峯賜卹三百元并予建坊保勝場團副

張南山集市歸被匪害與同豎主入祠 五月美國牧師巴

慶安日本鐵道畢業峨眉廩生黃紹誠同來傳教佃南街民

房成立安息會 邑人劉錫純任健為知事以辦款不力撤

任今所謂知事即古謂民之父母也今人每一行作吏即以厚歛逞能其祝劉君為何如 天旱成災何道衡等籌辦

賑濟江口護商附收臨時賑款百分之十按旬劃撥發賑三

次嗣以敗軍估提知事混收道衡呈明軍民兩長停止 六

月聯軍反攻知事李德充隨省軍退甘部鄺團以團附李士

元接署逾日卽去縣人推議長徐原傑代理 兵工廠總辦
馬德洪師長甘德民向時俊旅長楊淑身由省經彭山南下
籌米拉夫縣屬驚擾 第三師陳鼎助部劉團來縣以團附
向璧光接署甫三日向改營長去乃以徵局賈翊尚策簡陽 接署
時江防黃隱部隊同駐彭山兵士私鬥北門外殺斃數人
十一月三軍回防雷治矩範卿長壽 設知事行署於陝西館徵收
局鍾光國催收糧稅至派員分駐鄉場同區團尋覓糧戶裁
票收銀票費二百文 十一師楊團來駐彭山以聯軍得勝回原防
地 賴省長委徐原烈爲國民代表初選事務所所長選出
夏侯峻爲初選當選員所內專款交由收支所接收不敷墊款一百八十餘元捐存印縣志呈案備查云 賴省長

彭山紀年 正編 五十 美利利公司代印

委劉在廷爲眉彭丹青四縣聯團委員長化除畛域實行援
助清匪 旅省同鄉會徐炎等以善後議案各軍不得自由
籌款雷知事竟含糊籌款激成鬧堂民變呈省署協懇澈查
民國十五年丙寅知事余倣敬人華陽 署縣 劉屯使委郭文廷
來縣抽佃當捐因各縣反對改爲佃當借款仍係一萬三千
元 劉屯使委馮庭煥來縣賣官公營產搜括價銀共四千
一百一十八元 達團長辦教導隊伐縣署大楠木六七株
盧團長露聲縣人 會同知事嚴禁斫伐梓潼宮古樹出示
鐫碑 五月曹達廠以下內門洋碱入口呈准續免稅捐一
年 吳承庥吳少仁帥其勳何道衡等請撤查徵收局長費

廷楨印券串弊溢額萬元 邑人吳從先隨十一混成旅長
羅澤洲於江合廣岳武大六縣清鄉以排長充敢死隊擊斃
匪軍旅長楊湘記大功同年又充敢死隊擊破股匪龔貫一
因傷缺左眼記功洊升營長 日本送人從軍動曰祈戰
死吳君勇敢如此特錄之 駐軍旅長陳
萬仞捐銀二百元張成孝余傲捐來銀各一百元周尙赤牟
秉年各五十元籌修彭山平蓋觀郊外公園 余傲捐政費
於各區作爲槍價九百餘元 六月軍需委員樊慎下鄉督
收糧稅時籌款抵糧溢數已籌二十萬元以上西山民被逼
輕生者數人 三區區長李輔宜以辦款不力免職 萬國
締盟道德會彭山協會由薛晉康廖九如劉西慈廖士華趙

彭山紀年

正編

五十一

美利利公司代印

國棟徐原烈等組織成立唐虞珍李卓玉并組織女協會以
匯通各教挽救人心爲宗旨 西山糧民以連年天旱無收
始多拆賣瓦桷以作救饑之費 公議場白晝被劫股匪持
連槍傷斃盛楊二人並燬李璧成家 余傲在西山鵝公包
捕獲嘯聚數十人自稱天平王刊印出示之妖道文咸三伏
誅

知事殷魯

述三長
壽拔貢

縣會徐原傑吳少仁公推徐原煦牟衷聖

爲印券清理員暫設糧柱清理處以盧竹軒牟衷聖爲主任
每團包辦一百二十串 劉屯使委謝麟爲彭山統計調查
員縣列中缺薪津月支銀四十六元 堰董徐原蒸曾雲龍

呈准修堰買竹免稅放行 三縣會委新津團總彭吉廷保
護堰堤嚴禁割簍以維水利 成立中堰溝工局傅子謙宋
克成爲正副主任辦法二十一條 十一月團練局長帥昌
平改團費每兩糧一元六角辦門戶練抽租谷捐收免役費
第三區大隊長張明德開辦隊員傳習所 陳錫光創辦
崇義小學經費由該祠自行收支 薛晉康徐原烈由縣公
推赴新津旅部代陳地方瘠苦情形邀減軍餉一萬五千元
高等師範畢業余信芳著算術原理二冊出版
民國十六年丁卯知事王覺全洪雅署縣 一月帥昌平開
辦團練講習所并造新式槍支售與花戶每支五十三元

彭山紀年

正編

五十二 美利利公司代印

旅省同鄉會何道衡縣商會張元璧等在建昌道賑務分會
領回海關附加賑款第一次銀一千元 三月達團長創修
市街馬路鋸房拆屋計費銀四千八百餘元去錢二萬九千
三百六十餘串 徐原蒸曾雲龍呈准送康壽桐木主入清
愛祠 王覺全逼收款項千餘元夜同達團向西山蔡坡遇
匪竄去 二十四軍團長林梅坡接防當籌一萬元

知事賴恆

自強健爲
軍醫畢業

四月城隍廟演戲大殿上郎某被優人

殺害 縣署後倉房谷早搗罄拆毀 縣中婦女始有截短

其髮着旗袍

天黑雨

着物皆汚色
透土寸許

五月軍部頒發財務會議

錄第六節開每六個月征糧稅一年不得借墊 九月南門

城外吳海清因軍隊估扯甘蔗至觸頭擊死亂世人命等於草芥嗚呼傷已 堰

工局董徐原蒸呈准西支堰設溝工局

知事李瑤殿弼廣安講武畢業署縣會同駐軍清鄉督辦冬防嚴緝攜帶

武器聚賭匪徒撰印禁賭白話告示數百張徧貼城鎮 改

署內辦事處為書記處裁汰人員清理積案革除收呈抄批

等陋規 初分團收糧改收租谷捐為畝捐每兩征銀三元

三角三仙 地方稅收支所附收糧柱費每柱二百文糧票

費四百二十文 十一月暫設欠糧清理處以梅開年為主

任 本年從廿三軍合算預征至四年籌煙苗捐一萬五千

元 陸字印花稅一萬六千元馬路款二萬四千元無綫電

彭山紀年 正編 五十三 美利利公司代印

台費八百元 中國國民黨彭山縣黨部候補執行委員張

珣痛煞苛徵大鬧縣署被杖擊尋卒 銀元每大元易錢八

千零劣幣每元易錢一千餘文銅元荒市面金蝠滯塞詞訟

口角滋多

民國十七年戊辰一月劉書銘徐芳田李昭明等十三人私

立崇實小學男女合校各董事捐銀一千五百元并壓田以

昭信守

三月知事李應銜顯諱資中署縣法政畢業 省委實業局長女士羅顏

偉斌威遠人堰工局董毛季農呈准制止軍隊估拉堰夫以維農

業 三月西山糧戶王朝珠以鋌而走險擊斃催丁楊玉廷

嗣兵團開去查辦抄燬其家 遊擊隊長曾紹宗報稱第三大隊長劉輝如在觀音舖因公殞命縣署轉呈軍部議卹金二百四十元 西山糧戶始多建碉樓以防匪或遷居城內屋價頓昂 五月捕獲匪首張敬軒卽張濫桿伏法并沒收其田產 劉錫純任屏山知事購買槍支子彈編遊擊大隊懸重賞捕獲金河巨匪李俊卿任鶴堂等正法

金河股匪前清卽號稱難治國變後

更成匪藪去一面招撫一面遊擊剷除巨匪境內爲之肅清云

邑人余敬以八師副師長兼任簡

陽知事上峯飭籌鉅款敬以籌不及半棄官歸

前知事李瑤以張萬有獨力修橋寄贈俗還忠孝額以彰之徐原烈編譯辨死篇一册印行 一二三區籌款購換電桿

彭山紀年

正編

五十四—美利利公司代印

六十根沿電地主居民被誣割竊電綫賠累不堪 九月馬路籌款兩萬元出示招撥佔地糧稅并保護路基兩旁多植嘉樹均未實行民生汽車公司開車 鹽關熊吉生黃洪發先後被殺謠傳爲匪殺匪知事委人勘驗未辦 十月國民黨成立指委會委員爲鄔孝鴻毛少伯盧竹軒夏侯峻王懋德何昭文張寬七人辦理登記黨員事 劉軍長准契稅減二釐中資捐公告費減三釐以一月爲限 抽收免役費釀出事變大隊長張志隆房被焚 義和場處楊柴月林以女隊長兼團副迭獲巨匪送縣正法

楊以舅姑被匪斫死憤而辦團捕獲匪十餘人送縣正法編者以楊有孝思特

之傳 十一月公議謝家青龍三場因蒲江農民協會竄入張貼

標語鳴鑼演說以抗款題目鼓動千餘人并持武器與軍政兩界衝突知事在梓潼橋一帶奔逃乃免 劉軍長委趙團長萬欽來縣清鄉縣人夏營長宏周以桑梓觀念先張貼掬誠告父老書并各場以社交私情聯絡和平辦理事乃寢曾子霖創辦培英小學蔡君確創辦東山小學蔡慎修創辦永興小學經費由教育局支拂 徐劍城徐治堂創辦高橋私立小學教育局每年補助三十四元 十二月天大雪城內厚三寸許鄉間凍死耕牛 銅元荒不分廠版渝版

民國十八年己已知事王蔚成

宜賓人由營長縣署

一月國府明令禁印

陰歷本新頒國民歷來縣散發各機關法團

旅平學會余

彭山紀年

正編

五十五

美利利公司代印

西崖彭聲榮張鵠臣張國棟楊月然等出刊物新彭山寄回縣 胡思明創辦濱江小學經費由教育局支拂 二月北城女士姚茂禾家被匪拉弟轟斃其母及妹并傷鄰嫗縣署同駐軍購偵探在省獲正犯梁吉軒張耀軒梁紹彭解仁壽團部正法張匪且被尸解陳列醫院 三月仙女山側袁陳氏被害於彭祖墳前知事喬裝查實捕獲正凶許洪鈞即於會期解原地正法 城內北街青龍場江口鎮公議場先後火災燒斃侯某鹽關燬商務印書館書籍儀器值萬餘元 四月知事督同團務局長王肇祥改編農村市鎮警衛常備隊一百五十名并點驗全縣槍支計鋼槍五百餘支毛瑟槍

二千五百餘支并購領子彈二萬發 北平大中公學女士
張陳斌以劬學卒於校 七月教育局長周文嵩呈准創辦
彭山縣立初中學校 秋亢旱少雷電禾白穗酷熱曹達廠
棄灰復燃 張繼銘張炳垣等以浮派濫收上控徵收局長
劉開春軍部飭押回縣算賬 中元祀祖累捐糧戶忿極焚
燬借墊票甚有焚於豚欄牛欄 八月嘉眉資團務督察處
長楊棟材以仁壽屈某拉搥案來觀音鋪搜索數次并往保
勝場捕獲窩戶在觀音鋪槍斃二人 十月軍部飭辦清理
糧額委員會以知事征收爲正副委員長并委張輝南來縣
督察進行澈底清查漏濫 管獄員鄧心涵籌辦囚犯習藝

彭山紀年

正編

五十六 美利利公司代印

不果培修監卡每日入內檢查煙具并講陰隲文 劉在廷
編劉氏普公族譜印行

十一月曾准^{少甫}由資陽調署縣甫下車卽裁每呈戳記費

^{新都}

六百文裁驗契大契五角小契三角手續費本年國稅預征
四年團費預征一年預籌八千二百餘元經旅省同鄉會呈
請軍部制止仍籌四千以十八年作抵 十二月旅省同鄉
會鄔達齋宋月峯魏楚華等以縣創辦初中函請劉軍長捐
助覆函准以就縣中清糧處撥銀三百九十元購萬有文庫
書預約一部

民國十九年庚午一月兼公安局長曾准副局長陳彥韜示

諭四街植樹并置水槍六桿暨貯水桶櫃多件 何道周張元璧盧肇植毛汝襄等由縣公推代表赴省呈懇軍長減免煙苗捐七千元 二月知事曾淮徵收局長何培瑚據縣紳等呈懇軍長減免災區欠糧四千元 教育局長宋世湘令縣立高級男女小學始徵學費一元五角初級徵五角 觀音鋪曾姓有逆子竟開棺剝其母殮衣事聞遠邇其族長縛去泅水以正家法 里名勝母曾子不入縣為李令伯故里望邦人有以矯正之 北平國立法政大學院本科肄業生余西崖以劬學卒於院 南京政府通令文廟大成殿改為紀念堂即於孔子誕日舉行紀念禮 奉軍部令開徵二十九年半糧稅每正糧一兩共徵銀二十元

彭山紀年

正編

五十七 美利利公司代印

零一角二仙 三月曾淮奉文改組成立縣政府

彭山紀年正編終

彭山紀年附編

通省志局採訪徐原烈編

彭山縣徵收局

徵收局者國家財政官廳之一也清光緒三十三年趙督奏設經徵委員開創之初凡菸酒肉稅各項雜稅皆改歸辦理錢糧津捐仍屬知縣設局未久旋奉撤歸知縣兼收津貼五元民國元年省令設征收課由縣會推地方富紳為課長薪項只費一千七百餘串專辦征收錢糧事務三年奉令改課設局其局長與知事平行直隸財廳彭山列為五等月補助二百五十一元八角零凡地方所有錢糧賦稅正雜各款皆由局徵收至九年奉令增設地方財政收支所乃將三費局收款劃出十年又奉令將契稅及各項附加亦劃交收支所十一年又奉令以肉稅劃交作學款交由勸學所收支員管理於是徵收局長乃專為徵收國稅之官焉至於徵收之法以前清地丁為正稅民國四年奉文征庫平一兩改徵銀一元六角副稅以宣統二年因災減捐輸銀一千兩為準減為二兩五錢零三厘合

彭山紀年

附編

一

美利利公司代印

津捐併計每條糧一兩納市平銀五兩一錢七分三厘十二年攤加濫糧七兩五錢五分副稅每兩該銀七元六角零三厘三年奉加征解費每正副稅銀一兩加收市銀一錢每元加一角征局費每兩收錢二百二十文五分起徵票費原為數甚微近以財廳發下六仙未行各團保在外代收加錢二百今收回局完納每張四百二十文又代收附加團費每兩一元六角內田畝捐三元三角三仙四團票費原僅五十文本年加收一百五十文黨費每兩八千五分起征祇二十五年至於契稅現收八元二角加平每百元加四角二仙局費每百元征九角契格每張五仙解財廳官契每張庫平一兩解財廳驗契銀一百二十錢五百串以上為大契收一元七角下此為小契收一元五角代收黨費每百元一元油稅包案每年一千元民國三四年前征入之數皆以兩季批解財廳交庫備撥五年護國軍餉款支絀乃有就地籌備之舉當時尙須得財廳認可始能舉辦六年以後防區制興分防者各自為政乃由各駐軍截留支放

征局但按月檢取印收報廳備案而已溯自清初康熙年間普免天下錢糧八次仍能以制定帑金支撥削平大亂卽咸同中外戰爭之際先後加征津捐亦能以廣額議敘請獎等項冀以固結人心於不替詎料鼎革以還民爲邦本政尙共和悉索之奇有以出於借墊不已繼以預征且巧立名目苛雜頻頻於是濫發紙券重出印條輓轡購搭以開典守者之弊窟又私鑄劣幣濫造銅元以叢民間生活之冤債不甯惟是又益以任意增兵互爭雄長糜爛其民直欲天下瘠而一家肥一姓生而億兆死而孰知洋樓之蠹嬌妻之奉銀號之設無非爲懷璧之罪留作租界之綁票費而已誠如是則黨國前途財政安得而理建設又何從着手耶吾恐清查逆產之委員已各各蹣跚踵門而至矣噫危哉徵收契稅正附各款一覽表 十七年五月採訪

正款

每契價

銀一兩 八分二釐
洋一元收洋八仙二星
錢一串 八十二文

官契

每張收工本洋一元四角六仙七星七味

每張繕字
費一千文

彭山紀年

附編

一一

美利利公司代印

執據

每張收工本洋八角八仙零六味

契格

每張收工本洋三仙二星

驗契費

每張收洋一元二角

銀八十兩
每契價洋一百廿元以上爲大契
錢五百串

中資捐

照契價收百分之一

公告捐

照契價收百分之四

地方收支所費洋一元

留學貸費洋五角

警費洋五角

教育局經費洋四角

省會公告洋五角

地方附加每契價百元

縣兩級學校經費一元七角

雅州師範學校經費洋一元六角五仙

教育廳工本費洋二角

通省修志費每大契一元小契五角

縣黨部經費洋一元

征收局洋九角

彭山縣團務局

清宣統三年知縣丁創立團練局於城隍廟旋即停辦民國二年知事陳奉辦團練不久罷四年知事劉奉辦保衛團分設城內謝市青市三處無事可紀八年十一月各機關法團票選劉瀚清爲團練局長駐衙神祠其時清查戶口抽練壯丁每糧一兩附加錢三百文肉釐每猪一隻附加錢二百文船捐每船一隻附加錢六十文九年局長黃驥遷局於北街觀音堂冬防辦短期常練抽門戶畝租捐及耕牛捐以作經費十年局長王承堯每糧一兩附加至一千抽停泊捐載船八十文空船二十文斗載捐每載四百文硝捐每包百文硝粉三百文水碾捐共三百千醋房酒捐每月每桶抽銀五角十一年局長劉錫純遷局於龍興寺發行有獎公益券以餘利購製夾板漏底槍三十支十二年局長夏侯魯因彭萬兩團交關征收局長遁去縣會舉魯兼清理糧稅事宜呈准在收支所劃分船捐四畝以添補練丁之費十三年局長劉書楷遷局回衙神廟六

彭山紀年

附編

三

美利利公司代印

月奉籌邊督辦劉裁撤停收隨糧附加團款并取銷各項雜捐十四年五月局長張明德奉督辦楊令恢復團局辦常練百三十名每兩糧附加錢四千發行預墊票並息借天主堂銀以資接濟十五年局長夏侯魯復任九月改委帥昌平遷局於平蓋觀奉令辦門戶練分練務團務爲兩項人員提高團務地位啟用關防團款取獨立主義票選收支監察各員十六年五月票選候補袁學儒任局長遷局回衙神祠奉令改爲農村市鎮警衛隊並施行隊丁義務教育增改保勝場爲第五區以理團務而弭盜賊十八年局長王肇祥改編農村市鎮警衛常備隊一百五十名點驗全縣鎗枝計鋼鎗五百餘支毛瑟鎗二千五百餘支團局快鎗移交九十七支雜鎗三十餘支趙團寄賣五十餘支照舊收團費每糧一兩收一元六角統收畝捐三元三角三仙內提一元交教育局籌辦初中本局船捐每支附加一角年約兩萬支約收銀二千元肉厘由收支所撥來全年約二百元租穀年可收七石二三兩區船捐可收一千二百元不日仍

收繳本局全年可收一萬八千六百餘元現值訓政之期不無頑梗團練爲民衆武力彭山毗連六屬其交界處往往此拿彼竄最易藏奸宜仿鄰封速辦鄉村電話以通聲息緝捕無遺宜速辦傳習所以儲備幹部人材而又益以武器精良號令貫徹則境內肅清矣

縣署武器交案摘錄

陳忠良任內團防局繳銅鑼一面銅號一對軍鼓一個縣署原存羊角叉八把關刀五把

陳任內製前膛槍百支每支鈔洋七元飭團保繳價領用單響毛瑟十支每支鈔洋二十一元

陳捐九子槍十二支五子槍二十二支馬梯尼三支七響快槍二支單響毛瑟四支洋抬機三支存警察所

王暨英任內城防局繳來破爛明火抬槍十二支明火鳥槍二十四支明火手

彭山紀年

附編

四 美利利公司代印

砲六支銅抬砲一桿鉄抬炮一桿存署

王任內查獲唐智山來單響小炮一支陳登第前膛炮一支

劉澤龍任內購來九子槍四十支調天全防剿損失去九子三支連前五子一支毛瑟一支

劉任內查獲王履豐九子槍一支楊芳亭郭玉泉單響毛瑟二支罐子炮一杆

劉回任時收買案犯余甫臣曼里匣槍一支九子步槍五支單響毛瑟槍二支

王萬莘五子馬槍二支傅廷凱九子步槍一支胡棟平五子步槍一支單響毛

瑟一支楊家修五子馬槍一支呂煥文九子步槍一支鄧炳榮九子步槍一支

李永實任內駐軍編王隊長去快槍七十二支

范天烈任內由劉師長領來廣毛瑟槍三十支

游德崇赴漢源任時攜去九子槍十二支

蕭鍾漢任內新購單響九子毛瑟槍十二支單響五子馬槍四支單響五子步

槍四支郭團總領去九子槍六支洋抬機二支
萬傑去任隊丁由樾回彭損失九子五子槍共二十餘支
十師師長何金鰲捐來土造五子槍三十支

彭山縣公安局

民國十六年四月一日駐彭達團長鳳崗奉辦市政公所以縣紳傅相高副其事創修四街馬路及規畫建築一切市場奉令提撥籌賑餘款叁百零五元以作開辦費又鎮福會街房來洋四百三十元收四街舖戶銀六千零二十四元零七月一號撤市政公所改今名傅所長奉令升任局長分總務警察會計三科並委周靖藩辦理市政公益券冀以餘利爲補助費因虧折旋停十七年函聘周鳳羣爲司法受理違警律事十八年二月會同縣署委青龍觀音各市長並擴修該場市面以興商業至於收入大宗由達團長時籌定各項均以年計米斗包額五百五十元酒米斗包額八十元雜糧斗包額二百元花生斗包額

彭山紀年

附編

五 美利利公司代印

八十元米升九十五元雜糧升五十元房租二百零四釧茶棹捐六百釧棧房捐四百八十釧停泊捐三千餘釧豬牙行一百二十元宰牛捐年收四百餘釧理由書約十二元肉稅每豬一隻收一角年收七百餘元收支所警款每月四百釧繭稱一千二百釧花稱一百二十釧枯稱四十釧此現在收款之大略情形也查縣政府成立公安局即首屈一指掌警衛消防防疫衛生等事項經內政部規定有此鄭重之明文詎料縣公安局甫經創立即遭張團長之侵越又縣紳之上訴屠行之朦控當事者縱皆清白乃心而職務未大進行不免有冗員糜費之嫌終難塞市井民衆之口易曰日中爲市致天下之民聚天下之貨噬嗑之義良有味也執事諸君子其盍鑑諸

彭山縣教育局

教育局初名學務局清光緒二十八年岑督奏設學務處並檄各縣設學務局中置總理一員三十二年四月學部奏頒章程着將局改勸學所設視學兼總

董一員暨收支文牘若干員以知縣爲監督康壽桐遂將歷年所籌之款分別登記印簿發交該所存據三十三年壽桐詳請提學選得徐原焯爲視學以創始艱難官紳意見不合十月壽桐改選夏鼎銘繼任十二月阮開銓署縣始於官立高小學門內西偏改立開所並擬辦事細則詳准遵行其經費暫由高小學款開支三十四年二月視學朱澤奉縣署令擬將高小學款改由勸學所經理未實行七月廖如璋任視學以支眉州中學款項過鉅呈准增籌別款宣統元年視學毛麟辦簡易識字學塾十處初開運動會孫涵藻署縣乃添籌契底及提三費額支學院差錢數百鉞二年三月伍省視學鑒請停眉中校學生每名每月津貼錢一千二百文三年奉學部改訂勸學所章程飭將所中經費轉詳報部備查丁立桐署縣查原有學款劃出高小校每年二千元餘作勸學所經費並申明原定視學月薪十兩分官費私費并連任遞加等法及勸學員司薪水辦事細則等分册上聞七月奉提學劉廷琛核准飭行民國元年奉軍政

彭山紀年

附編

六

美利利公司代印

府通令飭將勸學所保存惟視學不限本籍紳學應由教育司遴委其官等照知事低一級俸分三等彭山列中等月俸四十元二年奉省令裁歸縣署設科辦理彭山即以原任廖如璋爲科長改勸學所爲教育公所統以知事名義出之勸學員改爲學務委員六月奉部令各縣仍行視學制三年一月吳承麻任視學奉頒勸學所暫行條例其職員仍組織如初召集城鄉學生創辦觀摩會三月設教育品販賣所於南街四月辦理單級教員傳習所四年勸學所統收統支學款六年三月奉文辦學校園林七年視學官道生無案可稽十月視學黃驊特別清厘學款置萬年簿由縣用印過硃以重移交九年三月徐原烈奉黃道尹委代理視學率學生下眉應道尹觀風試學生畢業特別捐獎圖書捐兩月俸培補文廟十月劉瀚清視學增籌學款由縣撥來公債票一千七百一十元十年四月下渝赴視學會議以謀教育行政改進之方十一年吳承麻復任奉文設肉稅收支員肉稅投標包收解省教育經費收支處奉文留學生貸

費十二年十月徐原煜視學十三年設暑期講習會由視學召集初級教員傳習新學制十四年五月周鳳羣視學僅數週徐原煜回任奉文改所爲局以勸學爲視學設董事會函聘董事五人畫分七學區選出區學委員七人始畫還各區學款以便自謀發達始給郭紹猷等考察費十二月李成蹊任局長將各區小學教員薪修改錢爲銀拾五年二月劉書笈任局長恢復船捐每隻一角奉文籌辦上南高中加肉稅三角加壓短租百餘石畫出高小校穀二百八拾石零正稅拾兩卽由該校完納契稅每百圓收一圓七角本城繭捐三百鈞拾月游省視學國輔呈徐原烈所編鄉土志令作高小公民科中教材拾六年六月黃鶴鳴任局長因上南高中改組未列彭山特截留所籌專款肉稅三角加壓短租四拾餘石改暑假爲稻麥假各二週各學區辦閱報社本城書報室改稱區立小學六處創辦平民校拾餘處增加初級小學五處拾七年六月周文嵩任局長籌辦初中會同縣署函聘鄆達齋傅子謙王孝水賴公育張鳳林周

彭山紀年

附編

七

美利利公司代印

瑞瓊王甸安劉澤周夏子樓盧竹軒方相賢盛藻雲徐幼常爲籌備員增設濱江學校加壓短租五十餘石十八年六月宋世湘任局長將前聘十三人分建設財務等七股實行籌辦初中并呈准畫田畝捐每兩糧一元與截留高中肉稅三角作常年經費現在本局收入如下甲田租四百三十五石一斗乙地租錢一千六百九十鈞銀八十元丙斗租錢一千一百七十鈞稱租二百八十六鈞房租六十五鈞丁肉稅二千四百元戊船捐約二千元統計約七千五百餘元據十八年六月省督學黃德毅報告相差不敷至二千九百餘元之鉅該局長應尅期清理各項出納如貨費及已領未出外考察費應如何歸還如聖壽寺等田業

查乾隆四十五年知縣徐德元時提水田六十四畝四分三厘上地一百四十八畝中地二百畝下地五百零五畝收租錢九十六串載糧一兩六錢四分嘉慶九年知縣饒觀光時提水田一百零一畝收租谷五十三石收錢一百四十串

如何投標競佃并一面設法增籌以闢財源否則學款行將破產辦學者不免爲罪人也概自清末辦學之初其籌款強半提自學田廟產神會幾同奪人咽下之食當時清廷銳意變法以爲強國智民皆由此始奉命臣工

不惜忍痛一割搜括以圖究之科舉中人每不失為循謹即僧侶亦無負於國家迄今學校愈多而學風愈壞學子愈多而學人愈寡科學之途闢不免偏重智育而抹煞德育耳近聞中央教育部方獎勵興學軍部有教育行政綱要及厲行義務教育規程等當事者讀之其亦有悚於心否

彭山縣各級學校總表

第一學區 縣立初中 縣立小學校 縣立女子小學校

崇實小學校 宏育初級小學 存液 五省聯立

華西 成德 任祠 作人 共和 廣智 隣蘇

寶珠

第二學區 區立小學校 作新初級小學 植材 梓材

菓園 瀋江

第三學區 區立小學校 隣彭初級小學 培英 東山

彭山紀年

附編

八 美利利公司代印

宏文 永興 雙桂 平民半日學校

彭仁眉三縣聯立初級小學

第四學區 區立小學校 桑柔女子小學校 愈愚初級小學

儲英 韶榆 藜蔭 崇義 名經 蔚文 神武

洪中 樹人 仁智 高橋 沃心 東海

第五學區 區立小學校 繩武初級小學

第六學區 區立小學校 天皇初級小學 柏林

第七學區 區立小學校 雅正初級小學 培育

右表計五十四校正文所無即係新增因何督學充源代查來稿編者復彙題名冀當局者按年再圖推廣云爾

彭山縣實業局

民國八年成立實業所所長吳蜀偉所內設文牘庶務書記技士技手等職員

啓用圖記對於縣署公文用呈住北外秋水祠原有蠶務局及農事試驗場經費由實業所事業費開支徵收田房公告費百分之一肉厘每屠宰猪一支抽收制錢二十文蠶局招收蠶業實習生十五名因款項支絀不久遂將生遣散九年所長楊光旭呈准公告費加收百分之二成立實業公會十年代理所長劉開宗應成都勸業會徵集陳列長春醬園杏仁豆瓣得一等獎證十一年所長薛晉康移住城內火神廟創辦勸工局分紙箋木工刊刻藤工四科各科設技手一員以技士爲主任學生八名十二年呈准將壁山廟山地二十畝投標賣出佃平蓋觀山麓沙地四十畝創設農場桑園棉場苗圃茶園等新建瓦房一院共七間作農場辦公地點招收蠶業實習生八名設技手一名以技士爲主任十三年因軍隊駐紮火神廟故實業所蠶局暫移農場內住十四年所長楊紹業因經費不敷呈准停辦勸工局并蠶業實習生僅留四名十四年所長盛光宗奉令改所爲局啟用關防對於縣署公文用咨呈改技士爲勸業員蠶

彭山紀年

附編

九

美利利公司代印

業實習生畢業四名呈准繭稱每斤抽收制錢十文十五年局長鄒元熙招收蠶業實習生六名加繭捐每斤至二十文呈准公告費加收百分之三因官產清理委員馮廷煥擬拍賣平蓋觀公產鄒以原佃使用之便將城內火神廟場地二十畝掉與投標賣出十六年局長何昭文呈准公告費加收百分之四十七年羅顏偉斌招收蠶業實習生六名拆火神廟蠶室五間擴充實業局辦公地點呈准硝粉每包抽收一角生硝抽收五仙又呈准船捐每載船一隻抽收銀一角統觀以上收入其數已達五千餘元之鉅查軍區實業施政方針其經濟一律公開且造具預決算應交縣人審查至月報年結并隨時應登實業報端等語再查通章農業應採購外國外省之嘉良種籽由場試驗分給民間以資推廣工業應擇日用必需竹木藤蓆各科招徒傳習以資模範并應蕃殖各種苗木以低價發給民間以爲森林之起點如是上不負軍長之提倡下不負民衆之屬望乃消閒事外負其責任一味增籌經費搜括民財行政上無文字

漫畫之宣傳事業上無農場苗圃之設置無惑乎方瀛等迭次以瀆職糜款上告也國民經濟奚由發達地方要政幾同廢墜孫總理建國方略中實業計劃之謂何執事諸子其可取一讀否

中國國民黨四川彭山縣黨務指導委員會

民國十六年二月駐軍達團長殷知事奉西康特別區域黨部命令組織各級黨部縣人王陵村等奉重慶總土地省黨部命令亦組織黨部以軍人包辦之非是因之政見衝突皆無成績之可言九月省登記會成立委縣人鄔達齋王陵村夏侯峻爲彭山登記委員十月成立啟用圖記計登記三百餘人復奉省黨部籌備處加委盧竹軒於是組織各級黨部各區舉出縣代表王旨方等選出執監委員成立縣黨部廿四軍派范覺吾省籌備處派陳謝兩君先後來縣指導一切十七年五月省黨部指導委員會成立召集執監委員及辦黨人員赴省考驗十月出派彭山七人即互推分職以鄔達齋夏侯峻爲秘書處常務

彭山紀年

附編

十

美利利公司代印

委員毛少伯爲訓練委員以何昭文爲組織委員以盧竹軒爲宣傳委員以王懋德張寬爲民衆訓練會委員并委幹事助理十七人開會成立啓用印信對於駐軍及縣局機關法團用公函對於各民衆團體應受本會整理者一律用令十一年通告清查黨證登記證召集黨人在西街高小校填考查表及測驗表計一千餘人統辦四個月竣事將表冊彙寄省黨部其經費則遵中央規定接收前縣議叅會之契稅百分之一每年約五六百元肉稅每猪一隻附收二百文包案每月一百四十四千約一千六七百釧船捐每支五十文年約六七百釧新加糧稅每兩八千統計達四千餘元之鉅竊思總理致力國民革命積四十年其目的無非欲建設廉潔政府如果係忠實黨員當聯合起來一致以打倒病國殃民的貪污土劣爲天職彭山素稱貧瘠何能纏糧又增巨款以重民間之担負如黃步瀛蔡君確等先後呈請澈查李前知事經手款項復匿不答覆各區公民如曾繩武等呈請函轉縣署懲辦團蠹朦吞巨款等又置若

罔聞豈吾縣黨部諸君皆不欲解除民間痛苦耶孫洪圖被殺黃承亮被捕陳尹兩委員被毒打且爲民衆而犧牲奮鬥若彼也編者四顧徬徨只高呼口號曰中國國民黨黨員是民衆的嚮導如須保存中國國民黨光榮的歷史先須要保存總理磊落光明的態度

彭山縣教育會

教育會昉自清光緒三十年當時學務係萌芽時代學部奏定會章令縣官召集士紳組織會務以謀教育普及有擇地開宣講所籌設圖書報教育品陳列館等條三十三年知縣康壽桐遵照將會集成假龍興寺爲會所宣統元年改組知縣李魁復爲具詳提學使核准民國光復四川學務部亦即行知希即整頓實行二年民政長復頒規程既奉教育部通章令即因時修訂三年因前撥學署穀石與錢被勸學所停支會亦有名無實八年三月乃將修訂會章二十條轉呈省長核遵以資永守九年十月移交檔冊其收入數穀二十一石六斗錢一百六十三千九百文米三斗又鎖江渡穀一十四石錢四十千武廟中

彭山紀年

附編

十一

美利利公司代印

祭谷五石六斗錢七十三千九百文米三斗保衛團款錢三十八千雙江口斗租錢一十四千至聖會款谷二石十年九月教育會呈准軍政長官將北外秋水祠改爲張李二公專祠定名曰忠孝祠鄉國之賢閭里之望於世道人心大有裨益獨惜其將各界捐款若干緝於製供龕外方寸之地爲阱於廟中以有遺憾焉竊查民國三年以來吾國有全國教育會聯合會由各省教育界名人發起互相聯絡專考察國內教育狀況并應世界趨勢討論全國教育事宜以期共同進行宗旨歷年開會皆不專於一地第一次在天津二次在北京三次在杭州四次在上海五次在太原六次在上海七次在廣州八次在濟南九次在昆明每會期以半年爲度十一年廣州開會期僅十日即議決二十九案其中如學校系統案新學制課程案改良中學校教育法案改革地方教育行政制度請教育部採擇案教育經費獨立案二重學年制案等今日均見諸施行

此則不負其教育會者也回顧吾彭山教育會則何如論時間則久過以規定法團會長僅一人會員且無一人會議未開一次縣局雖迭次派員照章另行籌備否識何人從中混擾宜學界中人如王懋德張益川等之不能已於言也編者臚舉全國教育事實正以爲吾彭山教育會勗云爾

彭山縣農會

清宣統元年彭山奉辦農務分會以毛崇儒爲創辦員各鄉舉農董若干員復選管鎮燿張炳垣爲正副會長提濟倉穀五十石由署撥銀五十兩爲會費部頒圖記未領民國元二三年合併縣署實業科辦理四年十二月沈煊奉委改組農會提平蓋觀仙女山兩處爲造林地點五年奉縣署飭發軍票百元銀幣五十元罰款六元作會款暨試驗場開辦費在城內火神廟開會會員計三十七人舉沈煊爲會長設會計調查評議等職新加肉稅作常年經費擬具會章分事務費事業費三月奉部令提倡造林每年籌二百元以作林務費六月奉

彭山紀年

附編

十二

美利利公司代印

文另刊圖記九月因會款不敷議取碾捐二百釧六年十月沈煊公出以庶務劉書摺暫代會長七年六月縣人薛晉康任簡陽棉蔗試驗場長著有棉蔗淺說通令彭山農會採擇施行八年一月正式選舉劉書摺爲會長劉胎爲副會長九年書摺公出以文牘陳鴻謨代理其事十年二月蕭知事以會長問題涉訟卽令停辦十一年二月余知事承萱委劉書摺爲恢復員款絀未辦十五年九月余知事做委宋克成賴天德張炳垣何培霖爲規復農會組織員按照部章召集合格會員計一百零五人在城內南街江西館開會舉薛晉康爲正會長宋元衡爲副會長并擬暫行會章二十二條會款現僅每猪一隻附加錢二十文全年約一百五十釧照前合價擬改征二仙并呈請省農會轉飭縣署恢復原有碾捐以備申解惜未實行無米之炊巧婦難爲也間嘗披閱報章藉悉歐戰而後丹麥爲現代模範農業國國民經濟異常饒裕德國麵包問題時虞匱乏政府已任巴氏爲糧食總監法國克氏新發明電耕機絕無旱潦虫害之

虞美國以飛機撒藥以毒蝗虫英國近年竭力獎勵國產及歸土運動并從事耕地調查中國號稱農國自后稷教稼歷代重農貴粟故齊民要術農桑輯要等書久已傳播民間乃至清季政治丕變倉儲水利日趨於頽廢之域民國軍興兵禍頻仍惟知爭奪地盤罔識研求地利違問如李悝之克盡地力然吾農民具一種誠樸耐勞之精神安土重遷之慣習有時秩序縱即大亂不旋踵即回復如初且農民等亦不問身居何世政體如何捕蛇以償重賦挖肉以度凶年種種不堪皆能鑒受無他實以保持農業社會安定靜止之狀態而已哀我農民甯非爲純正民治之國民耶非爲全國人民之中堅份子耶近來國府成立依照黨綱改良農村組織增進農人生活作爲對內政策是誠握治理之樞紐也吾彭人際茲時局正不必高談治術竟就本縣天然之富源如通濟古佛兩堰如何修濬以溉農田如東西牧馬三山如何墾殖以造林木再能研究獸醫以療每年之猪瘟嚴禁鄉間之私宰耕牛等是卽福利桑梓之良圖也有農

彭山紀年

附編

十三

美利利公司代印

師之職責者其以雍言爲不謬否

彭山縣商會

清宣統元年二月知縣李魁奉文札派華封勸辦商務分會嗣由十八帮商董覆選舉出華封爲總理以二年爲期會所設城隍廟對於知縣用牒呈以城內油比炭稱枯稱城隍會攤租等共錢百餘千爲會費新開各行生理繳底金十五兩民國三年選李敬修爲總理奉文函送硝粉一匣呈轉北京商品陳列所四年商會照章改組選出李應庚羅永華爲正副會長九月整頓米粮帮新製斗張下河斗載每石收票費錢五十文五年四月以時局不靖抽練商團四十名九月創設商事公斷處選王國藩爲處長其收入增南北街花稱兩杆青龍場一桿六年選出張孔修宋克成爲正副會長以軍隊過境設換票處虧折錢至七百餘釧并新製錢票二千餘釧後發現偽票無從辦理寢事十月規定鹽關各帮起貨腳價七年遞選宋克成張濟森爲正副會長九年選出何道周吳

承潤爲正副會長十年選姚際唐楊仲煜爲正副會長王焯爲公斷處長收鹽關米船來往羣錢二百文十一年會長吳國棟盧肇植繳鈔記銀十五元十三年五月製錫錢百鈔八月斗載捐增收錢四百文十五年選出會長張元璧陳裕仁十六年四月復設公斷處以徐原煒爲處長十七年一月以市面劣幣充塞設銀幣鑑定所七月改組爲委員制此即彭山商會之大概情形也查清末變法創設商部提高商人地位本以優待華僑之心亦波及於內地商人以與列強競爭之意也乃彭山於同光年間曾有贛人蕭怡豐鄂人毛盛生秦人恆豐彩晉人合盛元等貿易於縣城金融皆異常活動年來皆紛紛引退商務日見蕭條豈盡關係時局耶良由機關雖設建樹毫無獨惜此水陸交衝府南合流米硝爲大宗城隍有神會以商務可期發展之奧區乃竟無擅長經濟者以領袖商衆所以無何等之營業成績也編者關心桑梓特正告商會諸君曰無以常款不足爲口實須以擴充商業爲前提

彭山紀年

附編

十四

美利利公司代印

彭山縣佛教會

彭山佛教會創於民國元年十二月由省城佛教總會舉代表覺空來縣組織而成召集諸山廟宇三十五座僧尼六十餘人并柬邀紳商開會演說舉出正會長宗芳副會長明聰會所設龍興寺總會頒有章程圖記凡屬會員皆給有徽章證書爲據稟請縣署出示保護立案二年總會伍肇齡德風咨縣各屬廟產限制提撥而各廟僧人擅自典賣者亦應雙方禁止并應辦蠶桑實業慈善等事三年佛教會在寂照庵辦初級小學一所以會款不敷呈准以城隍會停演戲費藉資挹注四月講演員袁育呈稱雙江場附近有借佛會爲名巧立血湖會拜黑佛等縣署出示嚴禁四年三月僧會司明聰以年老辭職縣署委長清接任十月龍興寺有僧仁玉由峨眉來改建山門呈准借公地寬二弓長二十八弓五年十一月團正華封等公舉由樂山來僧仁安接修龍興寺未完工程十二月浙江先照法師來縣東山該地居士徐炳桂以法師修惠雲居茅蓬

捐山場一段并鐫碑以垂久遠八年二月宗芳以強鄰惡佃估伐廟上樹木呈請出示保護九年一月佛教會改選覺盈任僧會司兼正會長明慧爲副會長十四年二月龍興寺方丈慧明重建大殿觀音殿并塑金像該寺由清光緒六年縣主杜公據紳劉樂勳等請即准作爲十方叢林掛單僧衆至是負債纍纍故呈請就當賣業收租上糧立案十五年八月先照法師來城南街廟內講經三月皈依男女弟子甚衆十二月總會聖欽委廣文廣種來縣催促進行十七年三月江口有僧舉行閉關請縣署出示保護五月宗芳呈控郭家寺續亮簽追繳常捐數十元八月改選正會長覺明副會長從容十八年六月總會名譽會長鄧晉康正會長聖欽函知縣署派本慈來縣守提常年經費八月覺明呈准劉杜氏等在龍興寺創設朔望唵佛會請示保護此彭山佛教會之大概情形也夷攷佛教自東漢傳入中土以來其時高僧之衆譯經之多我佛慈悲爲世欽仰嗣以膜拜漸多迷信過甚不肖僧侶竟有藉教煽惑詐取情事無

彭山紀年

附編

十五

美利利公司代印

怪唐宋時遂致釀出毀寺滅僧之舉良有以也夫人之習性不同好尚不一宗教雖多分門戶要皆各有精微應使并行於世而不相悖則人之入此出彼各隨機以嚮化於是爲惡者鮮天下可治否則各挾門戶成見互相醜詆傾陷恐終不免如歐西十字軍之流血是豈先哲創立宗教之本旨哉民國以來約法信教自由明文規定現今國府亦時頒保護條例編者故敬告今新青年幸勿逞一時私忿對於僧侶而有非理之加也懍乎慎旃

彭山縣通濟堰堰工局

清光緒二十二年知縣康壽桐創設堰局時在江西館三十年遷當舖民國三年遷縣署今地每年以陰歷九月九登高十二三估工十月初開工約七十五天水篋滾至四字竹簾草簾搪齊勦中下兩堰溝工於是開水正月二十間起工約七十五天品篋蓋篋做齊三月清明前封工開水起新津至彭山中堰向筒上一筒止閉至春分餘外筒口一閉一扯至白鶴潭但各筒水碾仍應一律

封閉惟借水還河者則否開缺日期大約在小暑前後水畝共三萬六千六百三十畝零費均於田以需錢千計彭山五三七五眉四大四新六二五各項皆以此爲攤法至收畝辦法每年估工議派次年起工加價封工再加每次約三分之一一年可收租八十五石三斗彭山社濟倉包畝錢十二千收支所包畝錢十千出新津車費六十八兩三錢八分彭山公積益完糧一兩四錢二分八厘每年堰局該培修官溝所屬小李泮^{三縣同修}大泮^{彭眉同修}西支泮大堰雙鳳橋平水泮下堰下游之安順橋么泮十八年買竹與簞與笆約二萬鈞棚費約一萬八千鈞米約九十石沙工約六百鈞局費與開支約萬五千鈞至於興利除弊之法堰畝較前短少堰局應函徵局凡買業析產以加蓋堰局撥畝戳記爲憑如無戳記可扣留契約以杜隱漏水利委員應照舊游河掛耙以免橫截官溝封閉筒口應加卡石以免滲漏又修溝之法白鶴泮起至朱筒溝底應寬一丈二尺朱筒至眉州筒溝底應寬一丈六尺溝底一律低筒口五寸魚波橋沙溝挖至

彭山紀年

附編

十六

美利利公司代印

門坎石爲準上以猴子橋紅苕石爲準下以瑞麟寺魚兒石爲準溝底皆寬二丈四尺編者前有條陳如果能請款大修由魚波橋起自石廠灣至文山塢高車處應深淘溝底又眉州筒處寬挖石岩石底以免回水倒流至白鶴泮均宜寬挖深淘至堆沙一層可多購西邊荒塢以免沙隨鋤坍淤塞溝道惟人心不古堰錢亦每滯納或則委諸佃戶或則買不撥畝十三年前陳畝概不追究已開狡賴者俸免之門年來局董移交陳畝又票高盈尺甚有大水戶以撥來墊款幾經局董呈復皆稱爲強爭付息所有應完水畝亦經局董幾任而莫解康公時有腴田千畝之議今行將破產當局應竭力設法催收乃爲合算其尤要者三縣官紳應以黎公有飯大家吃之意永革筒車橫截對峙之舉以免常年纏訟保持鄰封睦誼是尤編者之所厚望也夫

通濟堰駐新經營佃戶地畝租壓表

佃戶姓名 沙地畝數 歷租銀錢 每年收租銀錢 備考

曾 洪 興 三 一分二厘八毛 錢乙千 銀四角 坐落老筏漕

游 壽 廷 七畝 基地一畝二分 銀六十九兩六錢 銀一十七元五角 估工交半 封工全完

馮 長 興 九畝七分五厘 基地七分 銀九十二兩四錢 銀廿四元三角七仙五 同上

王 大 順 二畝八分六厘 銀四十二兩 銀七元一角五 同上

譚 洪 興 六畝一分 銀四十七兩四錢 銀十五元二角 同上

彭山紀年 附編 十七 美利利公司代印

張 瑞 林 一畝〇八厘七毛 基地二分二厘五 銀七兩八錢 銀三元四角六仙八 同上

李 青 山 一畝三分一厘 二毛 銀十兩〇八錢 銀三元三角二仙五 同上

張 福 順 一畝二分八厘 七 十二畝零 錢三十六千 銀四元 銀十元 同上

羅少成 羅少五 羅春廷 羅占廷 羅柱廷 沙地六十畝〇 錢二百千 銀 銀四十元 坐落羅嘴撞伐樹株兩次稟官究追退樹結案

陳玉廷 熊長興 何海清 閔銀軒 鄒青山 沙地三畝五分 錢四十千 銀四元 以上五人皆在堤服勞務特減讓稱租以示優待

熊 長 興 沙地一畝 基地一方 錢六十千 銀三元 棚外對河

楊金山 基地一方 錢二十千 銀一元 同上

張登榮 基地一方 無壓 銀二角 同上

譚樹森 基地一方 錢三十千 銀五元 同上

向發和 基地一方 無壓 銀一元 同上

魏國超 基地一方 錢二千 錢一千 同上

帥蘇氏 基地一方 無壓 錢二千 同上

彭山紀年

附編

十八

美利利公司代印

林海發 基地一方 無壓 錢六千 猴子橋凡屬錢租統由二郎廟道士經收助焚獻有餘作每年培修廟宇之費

張松廷 基地一方 無壓 錢一千 同上

李玉廷 基地一方 無壓 錢三千 同上

管福全 基地一方 無壓 錢四千 同上

陳清和 基地一方 無壓 錢三千 同上

陳海廷 基地一方 無壓 錢三千 同上

何	張	薛	姜	雷	薛	彭	雷	彭	陳	李	楊	吳
祝	福	海	玉	炳	長	山	海	松	玉	玉	興	子
三	全	山	貴	山	順	紀	順	廷	山	青	發	青
基地	基地	基地	基地	基地	基地	年	基地	基地	基地	基地	基地	基地
一方	一方	一方	一方	一方	一方	附	一方	一方	一方	一方	一方	一方
無	無	無	無	無	無	編	無	無	無	無	無	無
壓	壓	壓	壓	壓	壓	十	壓	壓	壓	壓	壓	壓
錢	錢	錢	錢	錢	錢	九	錢	錢	錢	錢	錢	錢
二千	一千	二千	五千	八千	二千	一	一千	四千	二千	二千	六千	六千
同上	同上	同上	同上	魚波橋	同上	美	同上	同上	同上	同上	同上	同上
						利						
						公						
						司						
						代						
						印						

田海雲	基地一方	無壓	錢一千	同上
崇興公	基地一方	無壓	錢一千	同上
彭子福	基地一方	無壓	錢一千	同上
蕭元興	一畝	無壓	銀二元	蔣沙墩

右收租數係由十八年彭山堰工局董張克旅暨彭山監修李子玖等呈准縣署以稅重租輕公家虧累太甚召集佃戶換佃換紙所加新津二王廟道十昔年保管契約至有以抵償債務遺失土地之舉此次所立合同

彭山紀年 附編 二十 美利利公司代印

佃約故議交存彭山堰局特此註明 編者識

通濟堰駐新堰棚支出表

東太一支二王廟山糧肆錢壹分 魚波橋堰基

新義鄉三支二王廟河糧一兩二錢六分

嘉慶七年呂姓所賣地名羅嘴

新義鄉新支二王廟河糧二錢零一

吳姓賣出現為棚地五十餘畝鉄牛壩

東太一支通濟堰山糧一錢二分六 鳳嘴堆沙

二王廟焚獻銀三縣共出鉛銀七折十六兩八錢京斗折合市斗米一石六斗八升

還河船米三縣每半月出二斗四升開工起至封缺止

棚地外面還河船三縣每半月出二斗四升開工起封工止白溪河紫堰地租

三縣共出三十千文 陳周二姓收

老筏漕整堰稱租錢三縣共出二十千文 羅呂二姓收

筏漕前看船米十八年更名堰基費三縣共出米一石四斗錢十四千
羅姓收

城隍廟月田卽小鳳嘴堆沙地原佃二十五畝三縣每年共出銀四十兩

通濟堰篲托紀要

自魚波橋起至春廠壩堰篲六托爲正龍鬚在內

春廠壩至沙壩五托篲爲正龍鬚在內

沙壩至棚地後四托篲爲正龍鬚在內

棚地上面至斗括子倒流水一直四托篲爲正

新開河全用四托篲爲正

每弓八百文每年量弓計算由水利委員支出高馬楊三姓收

白雞河全用四托篲爲正 老筏漕用四托篲爲正

彭山紀年

附編

二十一 美利利公司代印

水篲每條稻草三把三篲一簞一簾塘塞到底

各段工程壓接篲後二篲一捶笆又一簞蓋篲完工

華仁彭古佛堰堰工局

古佛堰堰工局始於民國二年秋堰民舉清歲貢夏鼎銘爲堰工總董卽設局於黃龍溪舊汎署四年鼎銘呈准省署核准簡章十四條改總董爲局長設局士三員上中下堰長各一人照舊例輪流充當年滿一換每屆秋收舉行研究會同年水戶應滿臣因置有山田認水二十畝入冊完納呈准立案六年堰民議決凡買業一畝幫給紅石一丈七年局長陳毅齋等條陳私窶窶五十九道每遇天旱之年請派隊巡守啓閉俾水下灌八年局長鄧少卿等議決限定三十畝起十月內掃完二十畝起冬月內掃完十畝起臘月內掃完如有過期許局長指名稟追十年局長劉卓榮等挖復舊塘三口呈准車放條規可添灌下堰田五六百畝十六年嘉禾筒溝長李國仕等呈准新鑿支溝收納餘水以灌

沙田十八年三月局長鄧自陽等呈請華陽蘇隊長將茶社私會遷出局外十月局長潘金華等呈准華陽殷委員不得拍賣堰局留作三縣辦堰公地十一月紅石幫費改爲每畝捐錢二千文仍購紅石爲修堰之用堰堤共長六千七百二十丈水畝一萬零二百畝實灌田約二倍之延袤六十五里正筒三十四道每田千畝筒口三寸五分其用水之法上堰隨灌隨用立夏後十日晝開夜閉中堰春灌春用不分晝夜下堰冬灌春用濱河之田有筒車十架以補堰水之不足其征收堰錢之法先分上中下堰爲三期以此遞減年來上則約派錢一千六百文又分每年立春立夏立秋爲三期以此加罰年來約加至三百文本屆盈餘約六七百釧修堰之期則以霜降搭棚開工務將穿山洞騎街溝等處提前辦妥大寒前後開水及春分後一律完工修溝工程上堰溝寬七尺中堰六尺下堰五尺撒灰分段寬挖深淘土出溝外溝底低筒口五寸爲準開水前十日竣工至天旱水枯每用竹簾塘河官船隨到隨放其餘船筏每日定辰

彭山紀年

附編

二十二 美利利公司代印

刻開放一次以便截水注溝此古佛堰之大概情形也再查清乾隆初葉彭山知縣張鳳翥陳奉茲先後會勘地形創修楊金蘭詳定規章以善後其時總督阿爾泰且捐金提倡於上彭山周文良夏玫汪清仁壽應隆等亦奔走於下先後作輟凡八年相傳文良等且售田多畝以爲鑽洞之費工程乃底於成道光中知縣錢聚仁頗有興革准羅姓修碾一座以資餘水又築石泮用防漫決同治四年知縣范象乾以騎街溝沙石淤塞冲缺壞田數千畝以磚拱溝并拱山洞惜工未竟去任五年知縣王燕瓊准劉三益等擬定彭山廿五年仁壽廿年華陽十二年輪充堰長一次七年雞翅拐處以淘見黃泥爲準建一石碑光緒四年知縣張琮保護騎街溝又鐫碑示十三年堰頭右岸洪水冲塌改修魚嘴復障以堤乃閱時既久百弊叢生有派無收堰長每至破產或則累及官刑宣統元年始有夏鼎銘等條陳勸業道周善培出而辦理堤泮等工程至是歲歲豐穰田價爲之騰貴美哉張公明德遠矣然微夏君又不將慮其堙滅乎全堰

水利事宜據嘉慶志載卽由彭山經管彭山官紳責任綦重嗚呼夏君往矣三縣人士其勉之

洪瑞堰經理堰款處

洪瑞堰卽舊志載吳堰也光緒六年縣主杜以張某水案始改今名接富堰餘水每歲春分節後通濟堰永不足則資以灌溉足則宣洩於么泮原有業二十餘畝收租賣以紮堰先是通濟堰每當堰長至賠累傾家堰內人張蘊山馮玉廷等倡立一會計二百兩存放生息以爲報當堰長預墊之費繼因連年坍塌當事者致將田當出且有虧挪遂致興訟十八年縣主鄧斷令繳錢二百釧息事交汪義興經手存積二十二年縣主康籌辦通濟堰汪奉委充當局士皆因辦此堰著有成績二十三年翟永開經理卽買徐步雲業九畝九分零二十七年翟遠智經理買李劉氏業十畝零二十八年毛主席珍翟遠智經理買李仲大業五畝九分零同年呈准縣主康熙官堰辦法歲舉監督二人立案民國二年

彭山紀年

附編

二十三 美利利公司代印

毛主席徐叔明呈准縣主陳刊板填票分棚分期以均水利并禁私撥水畝私分水柱偷挖偷紮偷水議罰復立一堰會集金五百餘元凡買業二十畝者出底金八元四十畝十二元六十畝十四元乃將當田贖回三年翟鳳儀向子卿經理買張慶榛業十畝零爲馬桑灣堆沙地點八年徐原煒等呈縣主牟飭徐原蒸召集堰戶妥議章程二十四條并申明乾隆年間舊有堰簿作爲無效十二年向子卿經理買任洪業三畝零十五年毛慰庭經理買許致和業三畝一分零又李劉氏業四畝零現共有業六十餘畝年收租四十餘石載糧八錢六分零堰堤舊用簍石橫砌河中每洪水輒潰民國三年乃改用三合土築爲堤基長七丈廣三丈厚八尺費七百餘元歲但加以簍石覆以泥土大水後土石去而隄基無損故近年來歲修不過一千四百餘石田五千餘畝經理人兩年一換分上下各四段六月朔日自爲報換秋分後動工霜降前完工卽日開水設處無定所以經理人爲轉移其辦事頗有自治之能力此洪瑞堰之大略

情形也查彭山東西兩山不下一百餘堰倘能逐處仿行縣無曠土無遊民也
堰堤所以濟雨澤之窮古循吏皆以此定考績本土居民蓋可忽乎哉

彭山縣地方稅收支所

民國七年十月縣議會呈准設地方財政收支所八年四月牟知事呈請緩設
財廳未准九年四月游知事始將縣署經收款項交出各機關法團卽票選盛
希哲爲所長創辦成立在南街江西館六月賴知事飭三費局卓某移交盛呈
明查實侵蝕錢穀爲數甚鉅東山佃戶賈福堂呈控卓私伐松樹一千八百餘
株十年九月蕭知事委幹廷瑞爲所長遷所地於北街陝西館呈准裁員減薪
以節經費始兼辦兵差事宜十一年各法團仍以票選出幹廷瑞連任選劉書
摺孫維楨二人爲副所長分股辦事乃遷縣署今地奉財廳通令各縣征局將
隨糧附加糧富捐等劃歸地方自行收支呈准辦事細則另刊圖記改爲地方
稅收支所借來文昌宮賣價一百二十元月息一元二角其時財政統一各局

彭山紀年

附編

二十四—美利利公司代印

所全由本所收支十二年劉書摺連任所長舉徐原蒸爲副辭不就職以恢復
警察迭過兵差對佃戶加壓短租時王知事撥來罰款八十四元南路佃戶吳
世銑與鄰戶吳忠永掉堰田四畝四分立約呈署驗明蓋印十三年張明遠盛
光宗復短租加壓息借銀一千餘元任內卽陸續還楚十四年袁祖武徐鴻書
接辦所務十五年新選副所長何昭文袁祖武連任據何昭文呈稱袁私造銷
冊袁復經人控告被通緝十六年選委毛幼勤徐芳田爲所長呈明管業契紙
城隍廟門立有碑記其碑陰載田產畝數甚詳接收無着嗣修復照牆約去錢五千鉏所中款項沿革於三費
局有田三百六十九畝收租谷二百五十三石六斗今加壓銀至六千二百餘
元錢一千三百餘鉏僅收穀六十四石零船捐教育局代收每支二角一仙糧
柱費每戶收二百文提載過墊壓對針板二百元年支一百七十鉏契稅百分
之二內分省議會五厘警察費五厘所款一分肉稅代黨部農會實業局工廠
月支銀一百七十元硝捐壓金三百元每年收八百元斗租年可收七百六十

四釧猪隻出口捐全年收數十釧猪行戩子四百五十四釧狀紙附加年約六七百釧糖捐年收二百釧至支出如完正稅五兩八錢五分一厘如遇預征借墊不定縣署司法官月薪四十元印紅紙張十元書記處月支七十四元支兵差洋差與署內添購器具無定每屆知事卸事軍隊開拔其器具卽不翼而飛倘能於此時派丁看守皮藏亦節損糜費之道又囚糧年約八千釧官醫禁卒年約五百二十釧公安局月支四百釧縣黨部月支一百四十四釧工廠月支六百釧孤貧鹽菜錢年支四百餘釧育嬰年支五六百釧其他不下數十項茲舉其大概而已查前三費局時代收入支出均有一定章程官紳一體遵守罔敢或踰今則收入有定規而支出無限額每月常不敷甚鉅如不能量入爲出又不能另籌挹注祇一味加壓短租是飲鳩止渴之計也游公既能割愛交出以啓財政公開之先聲縣會且能監督政府以揭財政內容之黑幕當事者應宜如何廉潔自持乃動有匿漏公款藉事報銷捲款被緝之儔豈盡軍政兩界

彭山紀年

附編

二十五 美利利公司代印

之強支濫用耶蓋典守者之侵蝕亦多也古人一錢誅吏警之於漸防之於微懷乎慎旃

彭山縣社濟倉養濟散發所

清嘉慶拾九年知縣袁詩燕以舊有社倉社首虧歛甚鉅詳准勒追計得銀七千壹百玖拾玖兩零解存州庫貳拾壹年川督常明奏請按糧攤繳籌辦濟倉以濟民食蓋卽各直省義倉意也道光拾九年知縣錢聚仁在州庫領回銀如前數因分置田畝社田年租壹百六拾貳石五斗濟田年租一百一十七石四斗八升共二百七十九石九斗八升又水碾一架沙地一廂年收錢二十千文共載糧十一兩二錢八分咸豐十年知縣葛福綏募練設防稟准動用邑紳張騰鳳何喜恬經手虧折勒令賠還同治十二年知縣吳齊源奉文設養濟院吳捐俸八十兩募紳五百餘兩建院於昔之棲流所側收養孤貧百名月朔按牌給旗米七升卽在該兩倉項下年籩穀一百九十二石額設倉正副二員三年

一換光緒六年奉辦積穀倉卽兼理其事出陳入新加一收息敷作折耗有時
署內常監倉廩與兩官移交暨委員調查夫馬及看守考棚等費皆由支給十
六年知縣牟思敬以倉務太繁增設會辦一員繼改名倉監與正副二員年支
薪穀八石以任汝霖充之嗣任卸事此職卽裁二十九年倉正副何文治劉漢
鼎年支穀各十二石民國七年積穀倉先後提撥碾作軍米等項竟告罄盡所
有孤貧養濟僅取給於社濟田租而已九年添設候補十名只給半份十年倉
正副謝炳章黃子玉各捐薪八石添補正額十名八月改倉正副爲管理員以
周靖藩充之刊發圖記擬定辦事細則以縣署大堂左側爲散發地點以原有
壓銀僅四十六兩五錢爲過輕加壓銀一百三十四元又錢一百千文薪水改
爲月支三十千文添書記司事等職知事吳培點驗孤貧剔除濫冒多名十一
年謝銷冊內倉田載糧共八兩七錢八分五厘二毫征局註明計十柱與前列
糧數不符無案可證十四年管理員王承堯稟准原舊開支年支薪穀十二石

彭山紀年

附編

二十六 美利利公司代印

何師過彭知事李德充撥穀五十石僅還其半十五年議會擬改爲赤貧工廠
未果十六年倉佃陶興發等呈准以田修馬路六畝零減穀六石同年管理員
以入不敷出呈准加壓加租十七年呈准免納地方附加稅計加壓銀三百二
十七元九角又錢二百六十千加租穀三石五斗加租錢二百零一千共收租
穀二百五十八石五斗錢三百五十三千文此卽社濟倉之大略情形也嘗考
清時豫備年荒無微不至賣糶以易新貸借以利民賑撫以救災蠲免以收卹
故有常監積穀等倉先後之設置官吏交代最重監盤紳民經理嚴於升斛卽
虫傷鼠耗亦訂有常規獨怪民國以來軍閥則只爭地盤紳民乘機卽報稱偷
竊霉爛豈真碩鼠食黍耶蓋典守者之坐地鯨吞者多也古先哲王之善政貽
至民國壞於一旦甚至毀倉賣瓦而後已有心人所爲扼膺長太息者也今幸
國府有通令地方設救濟院之文所有現存社濟田租當事者果能清白乃心
嚴於出納由此款而推廣濟貧卽以保富造地方無疆之福也孫中山民生主

義以德國糧食總監巴氏辦理糧食問題爲最稱合法民爲邦本食爲民天編者具有無窮希望閱者當不河漢斯言

彭山市工廠

彭山市工廠創於民國元年七月民政司邵從恩通令籌設貧民救養工廠十月縣參兩會遵章舉華封羅永華籌辦一切并議每年附加肉厘約六百千文典獄張鴻鈞捐銀一百二十元王姚氏捐地田八畝收租五石六斗二年楊樹蕃捐堰田二十七畝六分零收租二十七石六斗陳知事覓定節孝祠議提文昌宮楠柏十餘株并拆廢學署瓦桷以建工廠同時委沈煊爲檢察員陳知事提衙神祠川主宮租穀五石爲辦學經費未辦學移辦工廠并令卓奎樓將油酒肉餘款繳工廠三年九月縣署令習藝所徐原蒸將原有機織器物點交來廠徐知事委徐原煒爲管理員庶務帥昌平代理其事縣署發軍票三百元呈准肉厘每猪一隻附收五十文皮硝每包百文胡茂廷捐來山田四十畝收租

彭山紀年

附編

二十七 美利利公司代印

二十三石六斗管獄徐鑾送罪犯來廠習藝派警士防範工作帥聘教師三人設機織縫紉色染三科學徒四十名四年三月帥升任廠長呈准遷節孝祠牌位文廟一面赴省參觀各級工廠在省聘技師回彭以資改良呈准續收碾磨捐又呈由劉知事准撥來征局溢收餘款一百餘元七月知事飭文昌宮會首加來壓錢二百鎊無利交廠又衙神祠底金二百兩年息三十千文時收租計五十六石東西南北壇先農壇中壩沙地共四十餘千載糧一兩三錢零水畝五畝零五年三月劉知事委徐原烈爲廠長兼籌辦職業學校事縣署主賣匪產三十餘畝撥來銀二百七十元招考藝徒二十六名六年七月帥昌平接辦廠事十二月奉文改爲縣立乙種工業學校七年六月張朝棟接任校事擬以文昌宮擴充教室以軍隊駐紮未能舉辦十月奉靖國軍總部令以學校與工廠性質不同應停辦學校款還工廠八年一月徵局將西壇提賣私人四月奉文屬於實業所旋奉文作罷七月藝徒畢業四名實業所函請檢各貨樣郵交

朝鮮富領事九月加壓來錢二百零八千十月華封接辦前後移交呈爭鼠濫洋紗土線至九百餘兩個南街盧姓舖面以作銷場九年七月周靖藩接辦東壇佃戶加來壓銀百元開設藤科蓆科十年二月劉書笈接辦廠事文昌宮賣業壓借來銀二百八十元年息二十八元收支所處月領錢二百千文七月趙茂才捐來銀六十九元吳隆吉捐來銀五十元十一年九月劉被黎某等上控縣署將造報表冊交縣會審查十二月張朝棟復辦廠事加壓來銀二百八十元短租十三石三斗十三年一月藝徒畢業十二名十月鄧昌平復接事十四年二月添設鞋科出賣北壇與周姓加東南北先農壇中壩沙地來賣價壓錢均無考十五年一月陳德懋接辦未到任四月賴天德接辦每月在收支所領錢三百釧十六年七月奉令屬於公安局改稱今名另刊圖記收租僅二十三石五斗八月添委副廠長劉元彬未任事未支薪此工廠之大概情形也彭山地處長江上游川南大道四通八達遊民衆多實業一端最爲急要該廠曾經

彭山紀年

附編

二十八 美利利公司代印

增設六科藝徒招過五十餘名實有發達之可能惜因政局靡常迭更廠長中間不無侵蝕以致日形頹敗勢難復振須知爲貧民謀生活卽爲地方圖治安使民衆多一分生活之能力卽政府少一分流亡之隱憂孫總理物質建設實業計劃之謂何徒令有心人秉筆時撫膺三歎而已矣

成嘉馬路總局駐彭辦事處

民國十三年四月督理楊森以道路協會囑各縣組織分會彭山始有馬路之宣傳十五年一月劉屯使成勳修成康馬路攤縣一萬五千元以兵工築新彭支線四月委徐盛虞彭德裕爲工程處長測勘修築七月傅相高等組織裕達汽車公司在滬購車兩部集股約八千元十月馬路總局飭加撥四千元同月成嘉馬路總工程師張嘉瑞測勘至縣境焦觀寺同月成康馬路局加籌橋樑費五千元縣局出示以二十三年糧稅作抵定章沿線居民貧給現金餘給股票十六年三月成康路局委周文瑋爲新彭段護路工程處長委段曉伯爲丈

量馬路佔地員來縣五月籌撥車站費六千元七月以歷年欠糧一萬餘元撥作護路費八月奉文令馬路兩旁多植嘉樹招撥佔地糧稅十一月縣人公舉袁學儒周文瑋傅相高代表赴嘉籌商路事成嘉路局仍委周文瑋爲護路處長籌借銀八千元十七年三月成嘉路局總辦夏首勸飭籌二萬元培修馬路訂有章程以抽籤法付還股本以租出汽車公司收入之款爲分配還本之基金并委郭雨闇林寶書爲工師賡續培修路線縣署召集法團公舉毛幼勤爲收支員九月改訂此名稱附公安局內民生汽車公司開車十八年一月以下川東戰事拋棄沿路木石北門馬路修築未半暫令停工四月川南馬路局總辦蔡玉龍出示抽收包車捐取締獨輪車六月宣佈汽車致傷人命撫卹百元等章程十一月彭山呈報馬路佔地四百零五畝零二分以水田八十元旱地七十元計合三萬零八百零五兩一錢以二分撥糧計八兩零四分七厘八毛製有地價股票三千九百張尙未填發又附糧四萬八千元收據散在民間議

彭山紀年

附編

二十九—美利利公司代印

由團甲彙齊乃着手辦理此卽彭山馬路之大概情形也間嘗讀蜀道之難難於上青天蜀道之苦崎嶇久矣清末川督錫良曾有川漢鐵路之建設考東西各國繁盛商埠其交通皆恃鐵路爲重要至於汽車大約載三五闊老旅行或家族旅行之短距離者卽我國南北各省交通之便倍蓰於川亦不聞購數百千輛修數十路線招客售票長途汽車如是之漫無限制也蓋汽車每車需汽油甚鉅此項燃料在我國既無從覓取且無廉價代替之物而又爲汽車之原動力斷不可少一加侖當此民窮財盡之時何能以購此奢侈之品爲大宗之輸出每一念及滋可懼也今擬變通之法各路可改行馬車此種馬車非僅載三四人者查日本早有此種馬車可坐二十餘人路若平坦一馬至多馬引之已足鄉村多有東京市亦常見每日換馬約可行三四百里各路儘可仿造其形略似汽車惟裝置只需有木鐵兩種原料所費有限可用國貨無需燃料利權不致外溢此惠而不費愚以爲正合國民之經濟程度也乃川中各路多倉

猝完成路基既未壓實橋樑復虞崩坍故一經綿雨汽車即不能駛行而徒步乘輿者轉覺馬路不如舊路謀交通之便利適得交通之反響甚非計之得也編者前著有成渝鐵路政見書又籌路芻言等書均刊本行世未審當局諸公其一取而採擇否

彭山縣菸酒監察所

民國四年八月吾川遵部令通省舉辦菸酒公賣劃分產銷地彭山列入第四區招商朱同人亨兼辦丹稜分棧繳壓洋銀一千元五年六月奉裁旋又續徵改爲驗卡八年二月因改劃區段各縣以知事爲會辦彭山分爲二十區設監察員周鴻傑駐城內湖廣館移驗卡於江口十四年改爲菸酒事務監察所十六年六月監察員闕龍袞隨駐軍潰去文卷牌照等均未移交故採訪亦有漏略七月監察員董容光表報所員月薪四十元公費二十元城內設所江口觀音兩處分設兩卡向來徵酒辦法未按桶按榨各酒戶純係包辦旺月共收銀

彭山紀年

附編

三十

美利利公司代印

二百元零 淡月共收銀百元零 菸稅係每於場期派人稽查凡挑負與擺攤出售者每挑征銀伍仙以新菸上市時計之年可收三百餘元至河下過道之菸均於出產地貼有印花每船抽查驗印紅銀一元酒牌照費每張征銀二元城鄉共三十家每每以數戶合貼一紙半年一換菸牌照因無菸商菸舖仍未實行此委員專辦之情形也十七年將以上數目改爲包額劉德明二千五百元以包案計先繳兩月作爲壓金又軍餉預借攤款亦繳四月十八年續包二千八百元征收酒稅略如董任表報之數征收菸稅每捆八斤本地四百文出縣八仙以貼照爲據此又現在包辦之情形也查菸酒征收各國皆訂有稅則有以爲政府當寓征於禁者其實菸酒固可謂奢侈品以不飲不吸無損於日用也亦可謂爲必要品以一飲一吸即爲舒暢其精神也茲就勞動者言之飲酒吸菸以後無論若何勞動皆不覺其疲乏是菸酒又確爲貧民必要品不可以奢侈品視之矣稅重則貧民之負擔必有所不堪因之社會必呈險象編者

慮投標者之競長爭高而違法弊弄也故貢此狂言以冀司財政者之有以採擇焉

彭山縣財務監察所

民國十六年七月賴知事奉二十四軍長劉文輝訓令以召集財務會議依據議決案就駐軍各縣創設財務監察所并發行簡章通令飭辦彭山遵即選舉二人以被控撤銷拾七年一月農商教育各會長及團務局長收支所長復照章選舉報請軍部始委出宋克成徐仲和爲正副所長即開所成立啓用圖記每月在徵局撥領經費五拾元任期以一年爲限拾八年一月宋連舉連任新舉徐原煒爲副按照章程對於縣屬稅收機關有隨時監察之權對於人民呼籲疾苦有代爲請願之責如果實力奉行例如歷年借墊印收應如何抵償及漏濫糧稅應如何清厘又如徵收局長劉開春西山糧民王朝珠等重大案件應如何澈底主張有以扶持正誼於不替以上副軍長整理財務之心下抒民

彭山紀年

附編

三十一 美利利公司代印

衆憔悴倒懸之望乃僅僅於票費局費兩項往復公文亦未收實效豈財監所爲人卸過之地耶抑所謂寄耳目於人者聊作自掩其耳目者歟前車已覆來軫方適亡羊補牢未爲晚也吾敢正告之曰彭山財務尙未澄清監察員仍須努力

彭山縣礦務督銷局

礦務督銷局初稱官礦局清光緒拾三年卽有黔礦來彭因官府以防匪拒絕不久卽去拾八年川省自辦分設在江口以鹽務委員兼理其事繼移城內北街賃民房爲局三拾三年由成商天增永墊款四千購西街地面建修房舍并礦倉三間辛亥暴動天增永起礦上省船載伍拾餘萬斤沿路均有損失縣城辦城防抽收礦厘每百斤取錢四拾文民國成立成商欠款四千餘元卽以是局作抵二年局存礦約拾萬斤朱局長賣銀繳票成商上控朱獲利亦豐同年隸實業司嗣又設礦務總局改隸總局奉改爲督銷局招商成綿眉邛等屬縣

三年省署改訂磺章以黔磺出產不旺將綿屬劃歸廣元督銷局辦理省署與財政廳委員不時更換案卷亦紛失無稽六年劉旅提磺本七千元以作軍餉存局只三四百元七年宋局長以局費無着請指撥磺本以維局務由徵局撥銀五百元以作開支嗣在敘南起滇磺拾萬餘斤來彭以廠助攙雜亦沾餘潤八九年納溪局轉運來磺萬斤同時有兩局長爭分各五千斤拾一年黃局長培修房局去銀二百捌拾三元拾貳年三月饒局長以自辦磺本因駐軍變亂損失約值一千餘元捌月馮局長藉公樓起商貨嗣經藥幫商龔某上控被卡追退貨一半罰銀未繳拾叁年委來局長且賠累旅費或則函繳委狀辭職至是皆以私歛自行採運無復官本之存留拾四年郭局長以戰事去職未經移交藍局長呈請財廳將商運護照百張作廢十五年局內駐兵門窗不無損壞清理官產委員報請拍賣未果十六年余局長呈請移住鹽關佃民房爲局以便緝私十八年天增永出售與夏營長一千八百元現在辦事處設於成都東

彭山紀年

附編

三十二 美利利公司代印

門外彭山鹽關僅設一卡而已舊例承充磺商須具保人繳壓岸金轉詳核給照方准開辦年銷五萬斤者繳銀五百元眉代青繳二百元丹一百元彭一百元縣係同義長爲分銷店銷炮房與花店年約三四十斤商息無多維持市面而已此卽彭山磺務督銷局之大概情形也查舊例民間用磺以軍火相關須領官票乃得熬採光緒二十二年鹿制府奏改官運商銷僅撥鹽款二萬兩以爲磺本如重慶中營暨省城機器局領配火藥均係公用只計成本不加徵款每歲磺出銀入除歸給買本運費并開支局費等項外所得贏利至光緒三十四年約合十五萬兩之譜開辦僅十有餘年收入已獲此數亦可見營業之發達矣乃前清以此獲利裕國而民國以此虧本售局公家瘠而私家肥吾不禁爲當事者心焉痛之

彭山縣二等郵局

清光緒二十七年彭山縣城內始創設郵政代辦所三十二年雙江鎮增設代

辦所宣統元年城內代辦所升爲支局青龍觀音兩場增設代辦所民國元年城內升爲三等局并辦理匯兌事宜縣署開設軍事郵便不久撤銷仍歸郵政凡公署鈐有印之官文書納單掛號費卽享受雙掛號權利九年升爲二等局改郵政爲郵局名稱同時公議謝家兩場增設信櫃每月派銷郵票三千元十四年常信改爲四分餘仍舊十六年郵船在古佛洞被劫并殺死押差劉某傅局長稟總局破案獲正犯處決十八年掛號信改爲六分歐美常信一角明信片分兩種二分與四分郵票以半分起至五角貼信函以一元起至五元貼包裹印刷貿易契貨樣書藉等其餘匯兌另貼印紙不贅局長月薪按年遞加與郵局等級無關惟彭山係二等大約三十四元每年總局按季派員來查每日走信上下兩次風雨無阻此彭山郵政之大概情形也查歐戰華會以後各國皆撤銷在華外郵刻下惟南滿一帶日郵依然存在此國際上應提出抗議者也中國各省如江蘇浙江等大商埠有郵政儲金而川中如重慶萬縣尙無此

彭山紀年

附編

三十三 美利利公司代印

辦法此省界上應竭力提倡者也前此省城成立郵政公會函電紛馳罷工演說等不久銷滅彭山爲偏僻小縣郵政局員辦事妥協安詳尙無何等舉動獨惜大權仍歸外人不能不稍存介介耳郵政諸君勉乎慎旃

彭山縣煙燈罰金代征處

清光緒二十三年知縣康壽桐飭縣屬每煙館一家月繳燈捐錢二千文給牌照一紙爲據其款未解三十三年知縣阮開銓奉辦官膏局專賣熟煙凡煙戶報名給癮民捐一紙限日遞減戒斷宣統二年知縣孫涵藻奉文就縣署戒煙試驗所由團保紳民分班限期禁絕民國元二年知事陳忠良嚴禁鴉片查獲煙犯遊街示衆或監禁折銀以示罰三年知事王暨英嚴禁鴉片杖斃吳三斤半并燬高某等煙館籌有曾姓罰款在龍興寺設戒煙公所出售呂宋菓丸四年知事劉澤龍查獲西街陳刻匠煙館燬其煙坭煙具及各項刻板勒令搬遷六年二月省署飭填煙禁罰金月報表分省六道二充賞二賑以報銷八年東

山倪某種煙繳充變業價數百元十年知事余承萱奉令鄰縣出具互結并縣屬佐治員各具切結呈案十一年福音堂牧師購有戒煙藥品分期送人戒斷不取分文六月省署飭煙案罰金交由地方收支所經管月終分別性質截留報解十三年蕭榮宗等代辦禁煙罰金每燈日繳百文月可收一百數十元繳縣署解十師師部十四年楊委員在湖廣館設局每燈日繳二百文牌照費兩元月繳三百餘元同年許澤周在省總局領回印花一元一角一仙三種共四百元十五年一月周克明照舊額收解六月劉屯使委劉磐改設禁煙查緝處其收數直解西康屯署十月駐軍達團長承包禁煙罰金牌照費一元燈捐二元十六年七月知事賴恒兼禁煙局長每燈日攤繳三百文牌照費月攤五角分列三等月解款三百餘元旋奉令加倍報解飭煙爐亦繳牌照費於是月解四百餘元同月嘉屬禁煙查緝處分卡出辦坭秤買賣二家每兩各繳費五十一文十一月縣署派員仍設坭秤每兩取四十文十七年一月知事李瑤招商投

彭山紀年

附編

三十四—美利利公司代印

標包辦同月嘉屬查緝處越境抽稅煙爐煙平按月繳印花稅若干李瑤據煙戶控訴呈轉軍部制止二月軍部通令彭山攤煙款最低標額一萬二千元經李瑤迭請酌減千元同月坭平酌加各百文煙坭過境每兩二仙三月煙燈代征員管履絲在軍部包額七千二百元七月知事李應銜呈准仍由縣署兼辦并願以七千五百元爲解額最低收數每燈月捐二元牌照二元此彭山禁煙罰金之大概情形也查鴉片一物弱國病民清道光年間林文忠公燬英商鴉片時割地賠款卽已成爲國恥乃川省在咸同年間抽收土稅光緒初解爲償款或供機器局用光緒末籌作川漢鐵路經費復皆視爲理財之大宗迨宣統末年中央禁煙條約成值國勢阡危始嚴頒禁令亡羊補牢見兔顧犬不亦晚歟民國以來如滇省販銷滬上各軍閥亦陽有禁煙之名陰行勸煙之實設局稽征均以比較超過爲成績吾縣實遭其厄前以青苗捐派至三四萬元之鉅近亦以一萬四五百元爲常額所謂飲鴆止渴者非耶孫總理有拒毒遺訓國

府擬鑄林公像章又有禁煙委員會果能各各實力奉行國民痼疾庶幾有瘳
川南水陸護商禁煙總處江口驗卡

民國十二年八月川西清鄉軍總司令張成孝委蕭鑾波來縣屬江口創設護
商事務所其時收稅以鹽巴洋紗爲大宗僅收上水每月五六萬元兼辦船捐
局派兵一連實行護送十三年二月委李愷爲保商第七隊隊長特分兵專辦
護送五月委袁嘉穀爲所長添設陸路護商數處辦理收回軍部事宜十四年
五月歸楊督理節制十師何金鰲委羅子賢爲所長請本地團保派丁護送收
上下水附收兵差費賑濟費七月委陳某爲所長收下水同時委鄢敏堂爲副
收上水設彭山鹽關十五年一月委劉萬富爲所長二月二十三軍回防委羅
禮爲所長稽延多日在新津添設護商嗣以武力接事四月委萬雲松爲所長
十餘日委達玉璧爲所長同時委彭山徵收局長費廷楨兼辦陸路護商十六
年二月駐新旅長陳萬仞投標包辦月繳銀一萬四千元委王吉輝代辦王隨

彭山紀年

附編

三十五 美利利公司代印

軍他適四月歸二十四軍節制三路司令夏首勳委熊培植爲所長合賑款爲
清鄉費購置一切從新整頓裁撤陸卡七月委謝周翰爲所長鹽巴劃歸嘉定
九月增設陸卡十七年五月兼辦禁煙驗卡粘貼印花月可收銀二百餘元獲
漏厘羊皮商罰銀六十元移作培修座船巡船之費十八年四月委戴天澤爲
處員改爲護商驗卡設分卡六處旺月可收四千元淡月可收千餘元因鹽稅
在嘉定抽收洋紗廣貨在敘府抽收藥材麻油在新津抽收船支來源僅一府
河收數遠不如前此其大原因也查此處職員歷由駐軍委任且連年兵事委
任人員往往隨軍去職所有案卷章程因之損失不備茲舉其大略而已夷考
厘卡之設創於清末粵捻之亂其時需款孔殷清政府特於沿江一帶抽收以
濟軍餉且降有諭旨俟軍事敕平即行停止至川省厘卡則始於咸豐初年時
興廢靡常章則不一同治初年乃粗具規模光緒初始計功過立比較法宣統
元年厘務歸併經徵總局因將統一財權亦以節省經費也乃鼎革以來厘金

改爲統捐劃歸國稅範圍逮民十間防區制興又各分防分城分鄉水陸兩路仿照統捐辦法設保護商公益捐等機關名目繁雜計由成都東門至夔關不下二百餘卡至有同處一場設十餘卡者旗布高揚迷人耳目所有裝運日用如米炭細微如帚屨亦必搜索抽厘如或繞越偷漏一經查出其毆辱罰辦情形有令人不堪者究之上解有限中飽爲多不過留作顧參諮之位置而已嗚呼長此以往欲紓商民之困得乎欲與列強爭勝於商埠得乎年來商民呼籲文電頻仍其卒也全不生效所爲打倒苛捐雜稅之聲又常盈耳鼓也當軸諸公如果能體恤商艱縱不能逐一裁撤亦當逐漸合併否則酌減稅率以輕成本是尤編者之所馨香禱祝者歟

周禮職方氏掌天下之圖以掌天下之地辨其邦國都鄙人民與其財用穀畜之數要用知其利害方志之重自古然也彭山爲秦武陽舊治漢張綱晉李密忠孝名區距省百餘里其聲教禮俗與首善比隆焉鑿奉命出宰是邦方欲徵

彭山紀年

附編

三十六 美利利公司代印

文考獻而縣紳徐君幼常適來省印彭山紀年披誦一過歷歷在目杞宋無徵之嘆庶幾免矣當今潮流日新月異而歲不同文化所趨政教隨之事關地方利害有待損益者將與此邦賢哲共籌於下車後也然則是編之出即作爲鑿之指南針焉可矣庚午夏萬縣孫鑿甫曜東謹跋

右列機關法團係以去歲所存在者爲準就中如有情形失實大都出於傳聞之誤當不卽以此文字見咎也古人云行年五十知四十九年之非愚值是年所幸精力尙未大衰現仍努力彙鈔從事於逐年紀載一俟積有成帙復可合訂刪削付印茲與披覽 諸君約罔論縣別凡關彭山有可傳述事實儘可將材料隨時惠函來舍交縣城郵局轉卽得愚亦將照錄廣續編入倘更有指謬之處將伯助予受教愈多也 大雅君子或不諛愚爲多事歟 謹殿數言權作通訊編者徐原烈再拜

彭山紀年附編終



中華民國十九年六月初版

歡迎
翻印

纂修 彭山 徐原烈
參校 眉山 徐光達
繕稿 彭山 秦國玉
徐學均 徐嘉瑞 印贈

成都美利利公司代印